

ANDRIAMANITRA TSY MIANTSO

OLONA HO AMIN'NY

FITSARANA RAHA TSY

MAMPITANDRINA AZY ALOHA

 “Miantso Anjely iray alina,” nefà ny anankiray dia efa afaka mandrava an’izao tontolo izao, “fa maty ho ahy sy ho anareo Izy.” Izany no zavatra anankiray toy ny fototra izay tiako hitondrana ny hafatroy ho an’ny Alahady maraina, raha sitrakny Tompo, eo amin’ny “Inona moa Kristy?” Ary ankehitriny isika dia manantena fa angamba ireto zazavavy kely ireto dia hihira ho antsika indray an’izany hira izany, amin’ny Alahady maraina. Rahalahy Wheeler, te-hiteny aminao tokoa aho fa azo antoka fa manana ramatoa anankiroa mahafinaritra ianao eto, sy ireo fitafiny, ary tsy misy lokon-tarehy sy ny sisa. Tahaka ny Kristiana izy ireo amiko, ary mihira an’izany sy manao tahaka an’izany. Tena tsara izany.

² Mino aho fa niteny tamin’ny vadiko aho indray andro, fa manana andiam-behivavy madio tarehy tokoa isika eto. Mankasitraka an’izany aho. Ireo volony lava sy tarehy madio, ary nitafy tsara. Izaho—izaho—izaho dia midera anareo foana isak’izaho—izaho tonga. Niteny tamin’i Meda aho hoe, “Tiako ny hanao azy rehetra ireo ao anatin’ny laharana iray indray andro ka haka sary azy ireo mba hahafahako mampiseho amin’ireo fiangonana hafa ny fanaon’ny fiangonantsika eto.” Hoe rehefa milaza an’ireo zavatra ireo isika, izy ireo—izy ireo dia mankatô. Ary faly isika. Manao zavatra anankiray izany ho antsika. Fantatsika fa rehefa isika—isika no manana fangatahana, ka raha tsy manameloka antsika ny fontsika, dia fantatsika fa mandre antsika Andriamanitra.

³ Izao maraina izao, ny sakaizako anankiray, nentina lavitra niala eto, dia nitsirara, nobataina izy ary zara—zara raha niaina, noheverina fa ho faty ao anatin’ny minitra vitsy izy. Niantso izy ireo, teo amin’ny misandratr’andro teo ilay izy. Niala teo am-pandriana aho, nipetraka teo amin’ny gorodona, ary nanomboka nivavaka ho an’ilay namana fahiny ary afaka nifandray tamin’ilay fanahy noho ny fahasoavan’Andriamanitra, dia indro izy fa tafaverina. Tena tsara, niverina indray, hitanareo, mbola velona miaraka amintsika izao hariva izao, ho an’ny voninahitr’Andriamanitra. Izany dia Rahalahy Dauch antitra,

iraika amby sivifolo taona, roapolο—iraika amby roapolο taona mihoatra amin'ny androm-pivahinianany. Fa tsara ny Tompo ary feno famindram-po, koa dia mankasitraka an'izany isika.

⁴ Ankehitriny, Rahalahy Neville, mifampijery izahay ary fantatro fa izaho dia manana anankiray kely fotsiny... eo amin'ny fotoana anankiray amboniny eo eto, ary izany dia amin'ny Alahady. Ary izaho—izaho dia tsy te-haka ny pasiterako, tiako mihitsy ny handre azy hitory teny.

⁵ Tamin'ny Alahady hariva rehefa nitory teny izy, lazaiko anareo, tonga teto aho niaraka tamin'ny sakaza iray tao amin'ilay trano fisakafoana kely, mba haka mofo misy hena iray tao, Rahalahy Evans sy Ranabavy Evans, ary nifanena tamin-dRahalahy sy Ranabavy Sothmann tany. Rahalahy Sothmann sy izy rehetra ireo dia nanao fanamarihana mikasika an'ilay hafatra mahafinaritra. Ary, lazaiko anareo, fa niaina an'izany nandrity ny herinandro manontolo aho, saiky. Ary ny sasany tamin'ireo fanamarihana ireo dia hoe ahoana no nieritreretan'ilay ostritsa fa nanafina ny tenany izy. Ankehitriny, marina izany, rehefa nanatsofoka ny lohany tao amin'ny tany izy, saingy ny ampahany betsaka kosa dia mbola hita tety ivelany. Koa saiky izany no fomba ataontsika indraindray. Miezaka ny hanafina ny lohantsika ao ambadiky ny zavatra iray isika, misy foana... angamba mbola mampiseho foana isika, fantatrareo. Mahita ny kely indrindra ny amintsika Izy, hitanareo. Koa dia tena mankasitraka an'izany isika.

⁶ Koa nieritreritra aho, eny, tiako ny hiresaka amin'ny fiangonana ary nieritreritra aho, eny, izaho—izaho... Rahalahy Neville foana no miresaka aminareo rehetra, noho izany dia rehefa tonga eto aho dia angamba mandalo fotsiny. Tsy te-ho tena mpihatsaravelatsihy aho, ary tsy te-hiantso aho na inona na inona, hipetraka any an-trano fotsiny nefo ny fiangonana eto dia misokatra. Izaho—izaho dia... Te-ho eto aho satria tiako ianareo.

⁷ Lazaiko anareo, izaho tokoa dia karazan'ny... Tsy mety amiko ilay toetr'andro eto, ary izaho... ary tsy mety amiko ilay tanàna ary tsy mahatanty ny rivotra eto aho. Vantany vao mamely ahy fotsiny ilay rivotra dia feno tandimerina mihitsy aho, avy hatrany, hitanareo, ary tsy misy na inona na inona azonareo hatao ny amin'izany. Ary izaho... Ary tsy mahazo aina izahay, na ny anankiray aminay aza, rehefa eto izahay. Izahay... zara raha mahazo aina ny tsirairay avy aminay hatramin'ny naha-teto anay, satria karazan'ny zatra an'ilay toetr'andro mafana izahay.

⁸ Fa, ankehitriny, ny zavatra tokana izay mitarika ahy eto dia ianareo rehetra. Marina izany, ianareo rehetra. Fantatrareo, mahita sakaza betsaka ianareo, izaho—izaho dia tena mankasitraka. Ataoko fa izaho... raha nanisa fotsiny

aho, izaho manokana, an'ireo olona izay fantattro, dia mety antapitrисаны аংগам্বা ইজান মানেরান অন'ইজাও তোন্তলো ইজাও। ইজান দিন নোভিনাভিনান ন্য ওলনা ইরায় ইন্দ্ৰায় মানেছা, এবং অংগম্বা অমিন'ন্য ফাহফান্টৱাকো মানকানা, দিন তো অমিন'ন্য ওলনা ফোলো তপিত্ৰিসা তো। ফা মিসি জাবত্ৰা অনাঙ্কিৱায় মিকাসিকা—মিকাসিকা ন্য অন-ত্ৰানো, মিকাসিকা ন্য বহুকা ইৱায়। মিসি ফটসিন্য... ন্য ওলনা রেহেত্ৰা দিন মানানা অন'ইজান, ফা মিসি বহুকা হাফা মিহিষ্য এ অমিন'ন্য ফাইনানৱো। ফান্টৱারেো, মিনো অন'ইজান অহো। রাহা ত্সি ইজান, নাহোনা নো হাফা মিহিষ্য অমিংসিকা ন্য বড়িৎসিকা? এবং নাহোনা—নাহোনা ন্য অন্টিকা... হিতানৱো? ইসিকা দিা... ন্য বড়িৎসিকা বাবি, ন্য বড়িৎসিকা লাহি, স্ব ন্য সিসা, ইজান—ইজান দিন হাফা মিহিষ্য। এবং মানানা অন'ইজান ইয়ানৱো অমিন'ইৱো সকাইজা। মিসি জাবত্ৰা হাফা ইৱায় ইতিবানৱো মিহিষ্য হিহানা অমিন'ইজি ইৱেন্য স্ব হিৰেসকা ফটসিন্য অমিন'ইজি ইৱেন্য। মিসি ফাহাসামিহাফানা কেলি।

⁹ Ary afaka mieritreritra an'ilay honahona tranainity teto aho izay nijoroan'ity fiangonana kely ity, ary talohan'ny nijoroany teto dia tsy nisy afa-tsy ny—ny kamory iray. Izany no antony nampanalavirana an'ilay lalana teo, mba hihodina an'ilay kamory. Toerana iray tokoa izy ity izao, ary ireo lalana dia nandalo eo akaikin'ny varavarana eo. Ary, fa kamory iray izy tamin'izany. Ary tsaroako aho nandeha teto sy niezaka nitady toerana iray hanorenana fiangonana iray ho an'ny Tompo, ary tovolahy iray fotsiny.

¹⁰ Ary izaho nihaino an'ireo, an'io namana tanora io sy ity anankiray hafa eto ity, izay nivavaka vao tsy ela teo, niaraka tamin'ilay hafanam-po rehetra. Nieritreritra aho hoe, “Fantatrao, afaka nivavaka tahaka an'izany aho taloha, tsy lany fofon'aina mihifasy, saiky.” Ary avy eo dia miha-antitira ianareo, lasa miha-miadana kely ianareo, fantatrao, sy n' sisā. Mbola mandroso foana ianareo, saingy ianareo dia “ao amin'ny vitesy faharoa” araka ny nolazain-dRahalahy Woods eto. Fa, ary avy eo raha mbola... Ary avy eo afaka kelikely dia midina ao amin'ilay vitesy ambany ianareo, rehefa eo amin'ny fitopolo na valopolo taona eo ianareo, heveriko. Fa, fantatrao, ny... mbola mandroso foana ianareo, na izany aza. Raha mbola afaka mandroso foana ianareo, dia inona moa no fahasamihafana ataon'izany? Fotoana kely amboniny fotsiny sisa hahatongavana eo.

¹¹ Tsaroako hoe toy ny ahoana no nivavahako, ary teto mihifasy tao anatin'ireo ahitra ireo, eto amin'ity itsanganan'ny polipitira ankehitriny ity mihifasy, saiky eo amin'ny misy azy mihifasy, teto no nandetehako tsato-kazo kely iray teo amin'izay fantattro hametrahana ny polipitira. Ny Tompo Andriamanitra no nanome ahy an'ity toerana ity. Eny, tompoko. Ankehitriny, ao anatin'io vato fehizoro io mihifasy no nametrahako ny filazako ny amin'ny fahitana iray tamin'ny maraina izay nametrahako azy, rehefa zara raha afaka nieritreritra aho tamin'izany fotoana izany,

nilazana hoe, "Tsy tabernaklanao ity, fa ataovy ny asan'ny evanjelista," hoy Izy. Nijery aho ary nahita ny tontolo rehetra teo, sy ny lanitra manga manjopiaka, ary no olona tonga avy tany rehetra tany; mipetraka ao anatin'ilay vato fehizoro ao izany. Kely toy ny ahoana no nieritreretako fa hitranga izany, na dia nilaza an'izany aza ilay fahitana; saingy tsy mety diso izany, tsy maintsy hisy foana izany na ahoana na ahoana.

¹² Nanana fifampiresahana maro aho tamin'ity herinandro ity, satria, ny Alahady, dia nidina ilay Fanatrehan'ny Tompo lehibe. Ary natao handeha aho amin'ny Alatsinainy.

¹³ Izaho dia...izahay dia mbola tsy naka fialan-tsasatra, ireo ankizy. Ny fialan-tsasatro dia ho tonga tsy ho ela, atsy ho atsy. Fa tiako ny hitondra an'ireo ankizy mandritry ny fotoana vitsy. Tsy maintsy hiverina izy ireo ary handeha any an-tsekoly ankehitriny, ary noho izany dia nihevitra aho fa ity herinandro ity no ho fotoana tsara iray. Hiatrika an'i Chicago aho amin'ny herinandro manaraka ao amin'ilay favoriana any.

¹⁴ Fa noho izany ilay—ilay hosotry ny Fanahy, nieritreritra aho hoe, "Ankehitriny no fotoana hanaovana ny fifampiresahana." Ankehitriny no fotoana izay ireo...izay azoko handraisana vitsivitsy amin'izy ireo. Ary misy...Mahita ny sasany amin'ireo olona mipetraka eto aho izay tao amin'ilay efitra. Izy ireo no mahafantatra na nihaona taminay ny Tompo na tsia.

¹⁵ Zavatra hafahafa izay...ny olona rehetra ankoatran'ireo vehivavy sasany izay napetrak'i Billy tao amin'ny toerana iray mialohan'izany mihitsy, ramatoa iray avy any Louisville, nanana zazavavy kely iray izy tetu, heveriko fa tena mikambana amin'ilay Fianganon'Andriamanitra ao Louisville izy ireo, na tahaka an'izany. Fa ny zava-misy tsirairay, ny tsirairay tamin'ireo izay tonga, talohan'ny nialako tany an-trano dia nilaza tamiko ny Fanahy Masina hoe iza no ho eto, izay hanontanian'izy ireo. Ary nosoratako tamin'ny sombin-taratasy iray izany ary nolazaiko fotsiny izay hanontanian'izy ireo sy ireo fanontaniany amin'ny fomba hanontanian'izy ireo azy, ary hoe ahoana no hamaliana azy ireo. Noho izany dia nilaza tamin'izy ireo aho, nolazaiko hoe "Izao mihitsy ianareo... jereo ankehitriny, minitra vitsy lasa izay, izay ny Fanahy Masina..." Nanatsotra tånana teo amin'ny birao aho ary nanao hoe, "Hitanareo? Izy no nilaza tamiko an'izao talohan'ny tena nahatongavanareo." Hitanareo? Fa raha mbola tany an-trano aho, hoe izao no ho ao ary ho inona ilay izy, ahoana no ho fihetsik'izy ireo, sy ny rehetra mikasika an'izany, talohan'ny nialako tany an-trano mihitsy aza.

¹⁶ Efa nahita an'ilay fotoana aho, matetika, rehefa nandeha teny an-dålana aho, nivavaka, dia efa nahita an'ilay laharam-bavaka mandalo eo anoloako ary nahafantatra ny anarana tsirairay izay hiditra ao amin'ilay laharam-bavaka aho,

alohan'ny tena hahatongavako eto. Marina izany. Ary mahafantatra mihitsy aza hoe aiza izy ireo no hipetraka ao amin'ny fiangonana sy inona izy ireo... ahoana ny fiakanjon'izy ireo sy toy ny ahoana izy ireo. Tsy milaza amin'ny olona ny zavatra rehetra tahaka an'izany ianareo. Ianareo... Misy zavatra mitranga izay tsy lazainareo mihitsy amin'izy ireo. Tsy ilaina ny hiteny amin'izy ireo. Miteny amin'ny olona fotsiny an'ireo zavatra izay heveriko fa hanampy azy ireo aho, rehefa manery ahy hiteny amin'izy ireo ny Tompo, manao hoe, "Lazao izao." Tsy tianareo lazaina amin'ny olona ny zavatra rehetra izay hitanareo, satria tsy ho tsara izany, hitanareo, ianareo fotsiny... mazava ho azy, fa ho tafiditra ao anatin'ny olana sy ny zavatra hafa tahaka an'izany ianareo. Tsy maintsy fantatrareeo hoe ahoana no fihazona an'ireo zavatra ireo amin'ny alàlan'ny Fanahin'ny Tompo.

¹⁷ Efa nanana olona nitsangana teo anoloako aho ary nametraka fanontaniana tamiko, fantattro tanteraka, saingy tsy niteny tamin'izy ireo aho, nahatsapa ho voatery tsy hanao an'ilay izy aho. Tsarovinareo, mino aho fa tamin'ny Alarobia hariva lasa teo ilay izy, nitory aho teo amin'ny, *Mpitafotra Iray*. Hitanareo? Hitanareo, tianareo ny hiteny amin'ilay olona, saingy misy Zavatra iray manao hoe, "Aza manao an'izany." Ny Fanahy no manao hoe, "Aza manao an'izany. Aza manao an'izany." Kanefa ny fanomezam-pahasoavana dia tena nahita an'ilay izy mihitsy, hitanareo. "Aza manao an'izany. Aza manao an'izany." Hitanareo, noho izany dia tsaratsara kokoa ho anareo ny tsy manao an'ilay izy; amin'izay fotoana izay dia tratry ny olana amin'Andriamanitra ianareo.

¹⁸ Ankehitriny, tsy tonga eto isika izao hariva izao mba hitsangana eto fotsiny. Te-handre ny Tenin'ny Tompo isika. Efa nivavaka ianareo ary nanana fotoana mahafinaritra iray isika, ary—ary izaho... isan'andro rehefa tonga dia fantattro fa mitondra bokin-dahateny iray fotsiny aho satria misy... Matetika Rahalahy Neville dia tsara fanahy loatra ka tsy mitsahatra manontany ahy hoe, "Ianao ve hanao an'ity," sa "hanao an'itsy," sa "hiresaka?" Ary eto aho no mikaroka mandra-pahitako karazana lahateny iray ary dia avy eo amin'izany isika no manomboka an'ilay izy. Ary azoko antoka... Ankehitriny, aoka hanana antoka amin'ny Alahady...

¹⁹ Ankehitriny, izaho tsy... Tsy mahafantatra mihitsy isika, tsy afaka miteny isika. Hitanareo, matetika aho no tonga eto miaraka—miaraka amin'ny lahateny iray ao an-tsaiko izay ho resahako, ary tonga eto nefá manova an'ilay izy tanteraka. Ary nanana Soratra voasoratra aho, hoy aho hoe, "Ity lahateny ity no hampiasaiko, ireto Soratra ireto no hampiasaiko. Arakaraky ny hahatongavan'izy ireo, dia holazaiko *ity, itsy* na ny *hafa*." Hanoratra aho, tahaka an'izao fotsiny, Korintiana Voalohany

5:15, sy Korintiana Faharoa 7:1, ary Matio 28:16, sy ny sisa, mamestraka an'ilay izy tahaka an'izany fotsiny, eto tahaka an'izao, ary manoratra an'ireo Soratra. Ary mijery ao aho, fantattro izay lazain'ilay Soratra eo; indraindray dia tsy mikasika an'izany akory aza aho, mandeha foana any amin'ny lalan-kafa, tanteraka. Ary tsy mahafantatra fotsiny isika.

²⁰ Noho izany ankehitriny, raha sitraky ny Tompo, dia tiako ny hiresaka, eo am-pamaranana an'ireto andiam-potoana kely ireto hatramin'izay naha-teto, amin'ny Alahady maraina, eo amin'ny zavatra tena lehibe iray. Noho izany, ankehitriny, tongava aloha, mivonona ny hijanona tara kely fotsiny, angamba eo amin'ny ora roa eo, zavatra tahaka an'izany. Ary noho izany ilay izy dia... Manana Soratra eo amin'ny telopolo na efapolo eo aho efa voasoratra eo amin'ilay lohateny, saingy heveriko fa izany... ny hiezahako hatao, raha hanamphy ahy ny Fanahy Masina, dia ny hahazo an'ilay Hafatra sy ny toerana izay misy Azy ankehitriny, ary hanorina Azy tsara eo amin'izay Nanombohany, ary hanorina Azy tsara eo amin'izao fotoana ankehitriny izao.

²¹ Noho izany aho—aho rehefa handeha ho any Chicago, avy eo dia tsy maintsy handeha avy hatrany any Arizona aho, ary manohy, manohy dia manohy. Ary ilay izy dia mety, araka ny fantattro, ilay izy dia mety ho amin'ny taona manaraka indray, angamba amin'ny fahavaratra manaraka, alohan'ny hiverenako indray ao amin'ny tabernakla, raha tsy hoe mandalo fotsiny eto tahaka an'izao indray aho, satria manana favoriana aho.

²² Ary Billy, izao ankehitriny izao, dia miasa ny amin'ny any am-pitan-dranomasina ho an'ny fihodidinana manontolo an'izao tontolo izao izay hanomboka avy hatrany aorian'ny Krismasy. Ary tena feno aho hatramin'ny manodidina ny Desambra, ary, eny, angamba ny herinandro voalohany amin'ny Desambra, Dallas. Koa avy eo—avy eo amin'ny Janoary dia te-hanomboka fihodidinana iray manontolo an'izao tontolo izao izahay, manodidina rehetra, manontolo, ary miasa eo amin'izany izahay ankehitriny, hahitana mihitsy hoe aiza no hitarihan'ny Tompo. Ary—ary izaho—izaho dia mankasitraka ny...na dia ny olona mihitsy aza, ireo mpitoriteny, na dia betsaka aza no lazaiko manohitra an'ireo—ireo anaram-piangonany sy ny zavatra tahaka an'izany.

²³ Fantatrareo, eo amin'ireo boky izay mipetraka ao ambadika ao mihitsy aza ankehitriny, Rahalahy Roy Borders no mikarakara an'ireo fanasana, ary hatramin'ny Krismasy, ny voalohan'ny taona, dia nisy fanasana mihoatra ny arivo manerana an'izao tontolo izao. Fanasana arivo no tonga ao ambadika ao. Noho izany dia ny Tompo no tsy maintsy mitarika ahy eo amin'ny anankiray izay haleha, sy izay hatao. Miankina Aminy fotsiny izahay. Tsy vitanareo ny haka azy rehetra ireo. Ianareo—ianareo dia tsy afaka maka ankoatry ny valo na folo amin'izy ireo mandritry ny fahavaratra iray raha tsy maintsy

hanao ianareo, ao amin'ny—ao amin'ny manontolo... raha tsy hoe mandeha fotsiny eto ianareo ny hariva anankiray ary etsy ny hariva anankiray, ary izany dia... izy ireo dia hangataka herinandro roa na herinandro telo, sy ny sisa, raha mbola afaka mijanona foana aho, na ny sasany amin'izy ireo dia manao hoe “ela arak’izay hitarihan’ny Tompo,” ary—ary ny rehetra tahaka an’izany, noho izany dia tena tsy fantatrareo marina mihitsy hoe aiza no hanombohana na inona no hatao. Noho izany dia apetrakay eo anatrehan’ny Tompo fotsiny izy ireny, manao hoe, “Ankehitriny, Ianao no miteny aminay, Ray An-danitra.” Ary ampio aho hivavaka ho an’io zavatra io, hitanareo, ampio aho hivavaka mba hahafahanay mamarana an’izany.

²⁴ Ary nieritreritra aho, taorian’ny nananana asampanasitranana tamin’ny Alahady lasa, avy eo amin’io Alahady io angamba raha maka fotsiny an’ilay fampianarana isika ka mitondra an’izany tsara ary maneho hoe inona—inona ilay fotoana izay isika... izay misy antsika, inona—inona no—inona no—inona ilay—ilay tanjona telon’ny drafitr’Andriamanitra lehibe hatrany amin’ny fanorenana an’izao tontolo izao, ary mitondra an’izany ho an’izao andro izao, ilay drafitr’ telon’Andriamanitra, ilay drafitr’ Miasa eo amin’ilay ampahany faharoa an’izany aho ankehitriny, mamoaka an’ireo Soratra, ary mikaroka azy ireo sy mametraka azy ireo.

Ankehitriny, ndao isika hijery, ndao isika hanondrika ny lohantsika vetivety fotsiny.

²⁵ Tompo Jesosy, ilay Mpiandry lehibe ny valan’ondry, mivory eto izahay izao hariva izao amin’ny Anaranao lehibe indrindra, masina. Tianay Ianao, Tompo, ary misaotra Anao izahay ny amin’ity favoriam-bavaka hariva ity, ny amin’ireo hira fideran’ny fiangonana raha nihira azy ireo tamim-pifaliana tao am-ponay izahay, ary—ary nandre azy ireo raha niditra izy ireo, niteha-tànanana. Ary avy eo dia nandohalika izahay ary namoaka manontolo avy ao amin’ny fonay Taminao, ka nisaotra Anao tamin’ny Nataonao ho anay, ary—ary mangataka Anao mba hanohy handeha hiaraka aminay.

²⁶ Ary tonga ny ora ankehitriny ho an’ny famakiana ny Teny sy ho an’ny zavatra ho resahana, ho an’ny olona. Tariho izahay ao amin’ny fisainanay, Ray, ary raiso ny voninahitra. Ary mitenena zavatra izao hariva izao, amin’ny alàlanay, mba hanampy anay rehetra hivoaka eto miaraka amin’ny tanjona iray ao am-ponay hiaina tsaratsara kokoa sy akaiky kokoa Anao noho izay nanananay hatramin’izay. Izay no maha-eto anay, Tompo, eto izahay mba hahafantatra misimisy kokoa mikasika Anao. Ary mivavaka izahay mba Hanehoanao aminay ny Tenanao lehibe izao hariva izao ao amin’ny fanambaran’ny Teninao, mba hahafahanay hahafantatra hoe ahoana no hahatonga ho—ho Kristiana tsaratsara kokoa sy hoe ahoana no hihatsehana

ao amin'izao andro farany izao. Mangataka an'izany amin'ny Anaran'i Jesosy izahay. Amena.

²⁷ Ankehitriny, ny fijeriko dia milatsaka eo amin'ny lahateny iray eto ao amin'i Isaia, Isaia 38. Ndao isika hamaky ao amin'ny Isaia, Isaia 38.

Ary tamin'izany andro izany dia narary saika maty i Hezekia. Ary Isaia mpaminany zanak'i Āmoza nankao aminy, ka nilaza taminy hoe, Hoy ny TOMPO hoe, Hafaro ny ankohonanao: fa ianao dia ho faty, ary tsy ho velona.

Dia nanodina ny tavany nankany amin'ny rindrina i Hezekia, ary nivavaka tamin'ny TOMPO.

Ary nanao hoe, Tsarovy aho, O TOMPO, miangavy anao aho, fa nandeha teo anatrehanao tamin'ny fahamarinana aho sy tamin'ny fo tanteraka, ary nanao an'izay tsara teo imasonao. Ary Heze-...Hezekia dia nitomany mafy.

Dia tonga tamin'i Isaia ny tenin'ny TOMPO, nanao hoe,

Mandehana, ka lazao amin'i Hezekia hoe, Hoy ny TOMPO hoe, ilay Andriamanitr'i Davida rainao, efa reko ny fivavakao, efa hitako ny ranomasonao: indro, ampiako dimy ambin'ny folo taona ny andronao.

²⁸ Enga anie ny Tompo hanampy ny Fitahiany ho an'izany famakiana izany. Tena lohahevitra iray malaza izany ho an'ny hafatra fohy iray eto, mino aho. Tiako ny hiantso an'izany hoe: *Andriamanitra Tsy Miantso Olona Ho Amin'Ny Fitsarana Raha Tsy Mampitandrina Azy Aloha.* Ary isika dia—isika dia—isika dia tsy maintsy mahazo an'ilay—ilay fototra na ilay sehatr'izany eto, ao amin'ity lahateny androany hariva ity, Andriamanitra mampitandrina olona alohan'ny hitondrana azy ho amin'ny fahafatesany.

²⁹ Ankehitriny, ny tsirairay dia mahazo an'izany. Mety hilaza isika hoe, “Eny, ity olona ity dia maty tsy nisy fampitandremana iray.” Tsia, tsia, tsia. Tsy Andriamanitra mihitsy...Tsy fantatrareo izay tao am-pon’io olona io, tsy fantatrareo izay niseho teo amin'ny fiainany. Hitanareo? Andriamanitra dia tsy mitondra olona mihitsy ho amin'ny fahafatesany raha tsy mampitandrina azy mikasika an'izany aloha, miteny aminy, zavatra anankiray izany, fiomanana anankiray. Andriamanitra dia—dia masi-mandidy, ary Izzy—Izy dia mandondòna eo amin'ny fon'ny olona tsirairay, manome azy fanararaotra mba hanatona. Ankehitriny, mety mampitandrina Izzy ary mandà an'Izany, ary—ary manodina ny lohany amin'Izany ka lasa mandeha, manao hoe, “Ah, fihetseham-po iray hafahafa fotsiny ilay izy, ho afako izany.” Saingy, na ahoana na ahoana, dia Andriamanitra izany, Andriamanitra miresaka aminy.

³⁰ Ary Andriamanitra aza dia tsy mitondra fitsarana mihitsy eto ambonin'ny tany raha tsy manome fampitandremana iray ho an'ny olona aloha. Tsy manao na inona na inona mihitsy Andriamanitra raha tsy manambara an'ilay izy aloha hoe hanao Izy. Ary manome safidy iray ho an'ny olona Izy, ary ianareeo dia afaka—afaka manao ny tsara na ny ratsy. Izany no Azy... Hitanareo, Andriamanitra dia tsy afaka manova mihitsy Ny—Ny natiorany. Ny fandaharany dia tsy afaka miova mihitsy amin'izay Nanombohany, satria tsy manam-petra Izy ary ny Fandaharany sy ny Heviny dia tanteraka avokoa. Noho izany, raha nanova an'Izany Izy, dia izany no haneho fa nianatra betsaka Izy. Noho izany, satria tsy manam-petra, dia tsy afaka mianatra betsaka Izy. Ny—Ny voalohany—Ny fanapahan-keviny voalohany dia tanteraka foana, ary tsy misy na inona na inona afaka manova an'Izany. Hitanareo?

³¹ Andriamanitra, talohan'ny nametrahana ny olona mihitsy aza...nananany anjara iray hanao ratsy, dia Andriamanitra no nametraka azy teo amin'ny fototra izay hahafahany manaiky na mandà, hahafahany mandray na—na tsia.

³² Hono ho'aho, eo amin'izay ihany, raha io mpitoriteny eto io, Rahalahy Baker, mino aho fa izy dia tao amin'ilay—ilay fifampiresahana indray andro, nanana an'ireo fanontaniany aho izay nosoratany ho ahy ny amin'ilay taranaky ny menarana. Manana azy ireo aho eto ankehitriny. Raha eto izy, nahoana, eny...tsy mahita azy na aiza na aiza aho amin'izao fotoana ankehitriny izao. Fa eto izany. Izy sy ny vadiny, lehilahy mahafinaritra iray ary—ary vehivavy iray, saingy izy ireo—izy ireo dia tsy nety nahazo zavatra vitsivitsy mikasika an'ilay fampianaranana teo amin'ny taranaky ny menarana, ahoana ilay—ilay...fanontaniana sasantsasany mikasika an'izay nolazaiko, sy—sy ireo toriteny talohan'izany, ary—ary niresaka mikasika ny—ny fananan'anaka sy ny sisa. Fa izaho...noho izany ilay izy dia tahaka an'ilay rahalahy, lehilahy mahafinaritra iray, Kristiana iray fotsiny nandritry ny taona vitsivitsy na roa, fa tsy nahazo mihitsy izy, hitanareo.

³³ Sarotra ilay izy raha toa ianareo ka tsy...Tsy maintsy miankina amin'ny Fanahy Masina ianareo satria ity Baiboly ity dia nosoratana tamin'ny ankamantatra. Tsy afaka mipetraka fotsiny ianareo ka mamaky Azy tahaka ny gazety anankiray. Mifaina izany. Eny, tompoko. Ahoana no mba hanamarinanareo an'Andriamanitra rehefa niteny tamin'i Mosesy Izy tany, nanao hoe, "Ankehitriny, aza manao sarin-javatra voasokitra ianao," tao amin'ireo Didiny, "aza manao na inona na inona mitovy amin'ny any An-danitra, na—na Anjely, na zavatra hafa, aza manao sarin-javatra voasokitra," kanefa tamin'io andro io ihany dia nilaza taminy mba hanao lasitra Anjely anankiroa avy amin'ny varahina ka hametraka azy ireo mihitsy eo amin'ny rakotra fanaovam-panavotana, izay misy ny famindram-po?

Hitanareo? Tsy maintsy mahafantatra an'Andriamanitra sy ny Natiorany ianareo alohan'ny hahafahanareo hahazo ny Teniny. Izy—Izy—Izy no manana ny fanalahidin'ity Teny ity, Izy tenany, ary Izy—Izy irery ihany no hany Tokana afaka—afaka mandray Azy sy manokatra Azy, ary noho izany dia Izy no hany Tokana tsy maintsy hanambara an'Izany.

³⁴ Ary ankehitriny, dia hitantsika fa ny Natiorany dia, eto, tsy maintsy mampitandrina foana ny olona alohan'ny fitsarana, mampitandrina ny firenena alohan'ny fitsarana, sy ny sisa. Manome ny Fampitandremany foana Izy, mpampatsiahy iray ho antsika, ny amin'ny andraikitra iray. Tompon'andraikitra isika, ary Andriamanitra dia nametraka antsika eto ambonin'ny tany eto ho an'ny antony iray, ary izany antony izany no Nametrahany antsika eto, tompon'andraikitra isika Aminy ho an'izany antony izany. Tsy maintsy manatona Azy ianareo ary mahita an'izay Tiany hataonareo. Hitanareo? Raha toa ianareo tsy . . .

³⁵ Raha nandeha hiasa ho an'ny olona iray ianareo, ary nanome asa iray ho anareo izy ao amin'ny kijana iray, na zavatra hafa anankiray, ka nandeha fotsiny teo amin'ilay tranombiby ianareo ary nipetraka teo fotsiny, ka nanao hoe, "Eny?" Hitanareo, tsy maintsy mandeha manontany azy ianareo hoe inona no tiany hataonareo, ary avy eo dia manao an'ilay izy. Raha miasa ho an'ny olona iray ianareo, dia tadiavo hoe inona ireo adidinareo.

³⁶ Ary noho izany raha ny fiainantsika no eto ambonin'ny—ny tany eto, dia tokony handeha eo amin'ilay Anankiray Izay nametraka antsika eto isika, hoe, "Tompo, inona no Tianao hataoko? Inona—inona—inona no tsy maintsy ataoko? Nahoana aho no eto?" Raha ho mpikarakara tokantrano iray izany, mpanasa vilia, raha izany dia ho . . . Na inona na inona tian'Andriamanitra hataonareo, dia ataovy amin'izay tsara indrindra hainareo hanaovana azy izany. Tsy mampaninona na kely toy ny inona aza, tsy mampaninona na kely toy ny inona aza ilay izy, fa tsy maintsy hataonareo izany.

³⁷ Hoy ianareo hoe, "Eny . . ." Ny olana amin'ilay izy, dia, ny tsirairay avy amintsika dia te-hanao ny asan'ilay olona hafa. Isika rehetra dia te-haka an'ilay baolina, araka ny fitenintsika, hitanareo.

³⁸ Tahaka an'io famantaranandro eto io, ankehitriny, ny hetsika tsirairay ao anatin'io dia manana ny toerany. Ankehitriny, ny ampahany tsirairay avy amin'io dia tsy mety ho fanjaitra. Ankehitriny, dia mijery fotsiny an'ireo fanjaitra aho mba hahita hoe amin'ny firy izao. Fa raha ny anankiray amin'ireo kodiarana kely ao anatiny ao ireo no tsy milamina, dia tsy hihazona ny ora marina izany.

³⁹ Ary izany no fomban'ny olona. Isika rehetra dia manana, ny Vatan'i Kristy, dia tsy maintsy eo amin'ny toerany, ao

amin'ny firindrana. Hitanareo? Ary amin'izay fotoana izay isika dia afaka mijery ka mahita hoe amin'ny firy izao andro izao. Hitanareo? Amin'izay fotoana izay dia mijery izao tontolo izao mba hahita hoe inona ilay izy. Hitanareo? Hitanareo? Fa mijery anareo izy ireo. Ary raha singan-dresaoro kely fotsiny ianareo, resaoro lehibe, na inona ianareo na inona, dia ataovy ny asa tsara indrindra izay vitanareo amin'izany.

⁴⁰ Ankehitriny, satria, manana andraikitra iray isika izay tsy maintsy hamalantsika an'Andriamanitra indray andro any. Ny olona tsirairay izay tonga eto amin'ny tavan'ny tany dia tsy maintsy hamaly an'Andriamanitra ho an'ny andraikitra iray. Ary, ho an'ny maro amintsika, ny fitantanana iray, dia tsy maintsy hamaly ny amin'izany isika. Isika... Io andraikitra io dia fitantanana iray izay napetrak'Andriamanitra tamintsika, tsy ahoako na inona na inona ilay izy. Araka ny nolazaiko fotoana vitsy lasa izay hoe, "mpikarakara tokantrano iray," noho izany dia aoka ho mpikarakara tokantrano iray tena izy. Marina izany. Raha ho mpiompy iray izany, aoka ho mpiompy iray tena izy. Na inona na inona napetrak'Andriamanitra hataonareo, dia manao fitantanana iray an'izany ianareo, tsy maintsy hamaly an'Andriamanitra ianareo ny amin'izany, satria ilaina ireo zavatra ireo hanaovana an'izany.

⁴¹ Nilazana i Hezekia mba hiomana sy ho vonona satria tsy maintsy hihaona amin'ny Mpanao azy izy. Ankehitriny, i Hezekia dia mpanjaka iray, ary—ary lehilahy malaza iray. Voamarikareo ve ny fiangaviany eto? "Tompo, miangavy Anao aho mba handinika ahy. Izaho—izaho dia nandeha teo Anatrehanao tamin'ny fo tanteraka." Fanambarana iray toy ny ahoana izany ho—ho—ho antsika amin'izao andro izao, ary tokony ho izany ilay izy, ny olona iray mandeha eo anatrehan'Andriamanitra.

⁴² Na dia efa voatonona teo amin'ilay lehilahy mihitsy aza ny fahafatesana kanefa dia nanova ny Heviny Andriamanitra mikasika azy, satria te-hanao zavatra i Hezekia ary Andriamanitra no nilaza fa Izy "dia hanome antsika an'ireo fanirian'ny fontsika." Ary tonga ny fotoan'i Hezekia, ary izy—izy dia tratry ny homamiadana teo aminy, na zavatra hafa anankiray, ary—ary izy ireo dia niantso an'izany hoe "vay" tamin'izany andro izany, saingy fantatsika fa ny vay mazàna dia tsy mamono anareo, sitrana fotsiny izy ireny. Fa homamiadana iray angamba ilay izy, ary nisokatra tahaka ny vay anankiray. Ary—ary niteny tamin'i Isaia Andriamanitra, nanao hoe, "Mandehana mankany ary lazao azy fa ho faty izy." Ary i Hezekia dia nanana zavatra izay mbola tiany hatao. Izy dia nanana—izy dia nanana...

⁴³ Rehefa miangavy zavatra amin'Andriamanitra ianareo, dia tsy maintsy manana antony iray ho an'izany ianareo. Izany dia tahaka an'ity Soratra izay tena tondroiko matetika ity

fotsiny hoe, “Raha hiteny amin’io tendrombohitra io ianareo hoe, ‘Mifindrà’, ary tsy misalasala, ka mino fa izay nolazainareo dia hiseho, dia afaka mahazo an’izay nolazainareo ianareo.” Ankehitriny, izany rehetra izany dia fehezin’ny antony sy ny tanjona, hitanareo, raha tsy izany dia tsy hitranga ilay izy. Hitanareo?

⁴⁴ Afaka mivoaka eto fotsiny ianareo... Eo no anaovan’ny maro amintsika fahadisoana betsaka, dia ny mivoaka ka manao hoe, “Ankehitriny, dia asehoko aminareo fa manana finoana hanaovana an’ity aho.” Ankehitriny, diso ianareo eo ampanombohana. Tsy manome anareo fanomezam-pahasovana hilalaovana fotsiny miaraka amin’izany Andriamanitra.

⁴⁵ Araka ny nolazaiko vao tsy ela akory izay, tsy maneho anareo fahitana mba hilalaovana fotsiny Izy. Tsy misy na inona na inona hilalaovana an’izany. Masina izany. Ampiasao fotsiny ilay izy... araka ny hamelan’ny Tompo anareo. Aoka ho mpifatotra iray Aminy. Tsy mampaninona na impiry aza no tianareo hilazana fa diso io lehilahy io, sy hoe inona ity, itsy, na ny hafa, mipetraha tsara mandra-pilazan’Andriamanitra an’izany. Amin’izay fotoana izay rehefa miteny an’izany Andriamanitra, dia afaka tonga ianareo miaraka amin’ny HOY NY TOMPO HOE! Raha tsy izany, dia adinoy fotsiny ny momba an’ilay izy.

⁴⁶ Izao—izao tontolo izao amin’izao fotoana izao dia tahaka an’i Hezekia tamin’izany fotoana izany, nampitandremana izy. Nampitandremana tsy an-kitsahatra izy. Ny fiangonana dia nampitandremana. Ary, ankehitriny, ireo zavatra ireo dia tsy mitranga amin’ny—amin’ny kisendrasendra. Misy zavatra ao ambadik’izy rehetra ireo.

⁴⁷ Ankehitriny, Hezekia, dia narary, nanana an’io vay io, tsy kisendrasendra izany. Naniraka an’i Isaia tany Andriamanitra ary niteny taminy mba hanafatra ny ankohonany ankehitriny satria ho faty izy. Ary nitomany i Hezekia, ka niteny tamin’Andriamanitra hoe, “Nandeha teo Anatrehanao tamin’ny fo tanteraka aho ary izaho—izaho dia mivavaka Aminao mba hihazona ny aiko ho an’ny antony iray, antony tsara iray, ilay antony an’Andriamanitra.”

Niteny tamin’ilay mpaminany Andriamanitra, nanao hoe, “Mandehana ary lazao azy.”

⁴⁸ Ankehitriny tsy hafahafa ve izany? Hezekia dia lehilahy malaza tao amin’ilay firenena. Hitanareo? Hezekia dia mpanjaka iray, ary lehilahy masina iray. Tena lehilahy izy, raha afaka niangavy an’izany teo anatrehan’Andriamanitra izy ary Andriamanitra tsy nanome tsiny azy noho izany, “Nandeha teo Anatrehanao tamin’ny fo tanteraka aho.” Ankehitriny dia milaza zavatra betsaka izany. Hitanareo?

⁴⁹ Ary Andriamanitra tsy nilaza mihitsy hoe, “Tsia, ry Hezekia, tsy nanao an’izany ianao,” fa nanaiky Izy fa tena nanao

an'izany izy. Ary hoy Izy hoe, "Izaho dia—Izaho dia hihazona ny ainao elaela kely." Hitanareo? "Izaho dia hanome anao ny fangatahanao," hitanareo, satria lehilahy marina izy, izy dia—dia tena mpanompon'i Kristy.

⁵⁰ Ary noho izany dia tsapantsika fa manana zo hangataka zavatra isika raha—raha marina ny tanjontsika, ary koa ny antontsika ho an'izany.

⁵¹ Ankehitriny, mahita isika amin'izao andro izao fa nandritry ny taona maro lasa, hataoko hoe ny dimy ambin'ny folo taona lasa, na mihoatra, dia nisy fampitandremana tsy an-kitsahatra nanerana ny firenena, "Mibebaha, fa raha tsy izany dia levona!"

⁵² Mariho, niresaka tamin'ny vadiko aho androany vao maraina be mihitsy, ary izaho... vao maraina teo amin'ny fisakafoana maraina, nipetraka teo amin'ny latababtra izahay niresaka talohan'ny niaingako. Dia hoy aho hoe, "Ry vadiko..." Niresaka mikasika an'i Billy Graham izy, sy mikasika ny vadiny, tsotra toy ny ahoana sy ny sisa no ezahan'izy ireo miaina. Hoy aho hoe, "Tena mpanompo izy rehefa tsy miezaka... rehefa izy... ilay lehilahy dia mety mahazo roa na telo tapitriza isan-taona ao amin'ny asam-pitoriany, saingy tsy mandray an'izany izy, ny fikambanany no mandray an'izany, mametraka an'izany indray ao anatin'ny asa sy ny fampielezam-peo, sy ny sisa. Ary i Billy dia mahazo eo amin'ny dimy arivo sy iray alina isan-taona."

⁵³ Hoy izy hoe, "Ahoana no handaniany dimy arivo sy iray alina isan-taona?"

⁵⁴ Hoy aho hoe, "Izy—izy dia maka fotsiny an'izay tokony halainy, izay ihany. Manana tokantrano iray ho sahanina izy, sy ny sisa." Nanohy aho, ary hoy aho hoe, "Manana fanajana betsaka an'i Billy Graham aho," hoy aho, "satria manana hafatra iray izy, ary izany hafatra izany dia fibebahana."

⁵⁵ Ary noho izany, dia lazaiko anareo, fa tsy misy olona izay fantattro, izay eto amin'ny firenena amin'izao andro izao, ka nampiasain'Andriamanitra miaraka amin'izany hafatra izany tahaka an'i Billy Graham. Oh, manana an'izany voavolavola tsara izy, ary mijoro eo fotsiny izy ary, ny tiako ho lazaina dia, miantso an'ireo politisiana sy ireo mambran'ny fiangonana ho amin'ny fibebahana izy. Saingy izay no lavitra indrindra azony aleha.

⁵⁶ Ary indro tonga Rahalahy Oral Roberts, mpanompo lehibe hafa iray an'ny Tompo. Ary tsy misy olona mivoaka eo ary hifampitaha amin'i Oral Roberts. Ilay fanafihan'ny alika masiaka mihitsy—mihitsy amin'ny fandroahana an'ireo fanahy maloto sy fiantsoana ny Anaran'ny Tompo ary—ary ireo fahatsapana kely, sy ny sisa, mikasika ny fanasitranana avy amin'Andriamanitra. Tena marina izany. Io no iraka iray ho an'ny Pentekosta.

⁵⁷ Io no iraka iray ho an'ilay tontolon'ny fiangonana anaram-piangonana, hitanareo, sy ilay izao tontolo izao mangatsiaka.

⁵⁸ Ary avy eo dia mitodiha amin'ny asam-panompoantsika manetry tena kely, mijoro amin'ny "Jesosy Kristy no tsy miova omaly, anio, ary mandrakizay," hitanareo. Inona no atao'izany? Miantso an'ilay vondron'ny Ampakarina, hitanareo. Hitanareo? Hitanareo, izany—izany dia miantso ny avy ao amin'ireo vondrona anankiroa ireo. Izany no famoahana ny Kodia avy ao amin'ny kodia. Hitanareo ve izay tiako ho lazaina?

⁵⁹ Ary dia Andriamanitra no manamarina an'ilay hafatra izay torian'i Billy Graham. Andriamanitra no manasitrana ny marary amin'ny alàlan'ny fivavak'i Oral Roberts. Ary Andriamanitra no mamokatra an'ireo zavatra izay Jesosy... manaporofa Jesosy Kristy no tsy miova omaly, anio, ary mandrakizay. Ary izany no miantso an'ireo zavatra izay... Ireo no hafatry ny ora. Ary ny tsirairay avy amin'ireo hafatra ireo dia miantso hoe, "Mibebaha, fa raha tsy izany dia ho levona!" Marina izany. "Mibebaha, fa raha tsy izany dia ho levona!" Tsy misy fanantenana intsony, lasa ny zavatra rehetra. Izao tontolo izao dia efa nampitandremana ny amin'ny Fihaviany. Ny tsirairay avy amin'ireo hafatra ireo dia miteny ary mampitandrina ny amin'ny Fihavian'ny Tompo Jesosy, na ny fiangonana anaram-piangonana...

⁶⁰ Tsarovy, fa Andriamanitra dia ao amin'ny telo foana. Toy ny hoe Ray, Zanaka, ary Fanahy Masina; sy ny fanamarinana, ary bat... sy fanamasinana, batisan'ny Fanahy Masina; sy ny sisa; ao amin'ny telo Izy.

⁶¹ Ankehitriny, Andriamanitra io hafatry ny fibebhana ho an'ny fiangonana ara-anarana io. Andriamanitra no ao amin'io hafatry ny fanasitrana avy amin'Andriamanitra ho an'ny fiangonana Pentekotista io. Andriamanitra no ao amin'ny Hafatra ho an'ilay Ampakarina. Hitanareo? Noho izany dia hitantsika fa izy rehetra ireo dia miantso, ny anankiray ho an'ity, ity ho *an'itsy*, ary itsy ho *an'itsy*. Andriamanitra dia miantso ny fiangonana hivoaka avy amin'izao tontolo izao; ny... miantso ny fiangonana anaram-piangonana hiditra ao amin'ny Pentekosta; ary miantso ny Ampakarina hivoaka avy ao amin'ny Pentekosta. Hitanareo?

⁶² Tahaka an'i Lotera, Wesley, ary ny ankehitriny. Hitanareo, tena natao ara-tandindona tanteraka ilay izy ary tsy misy fahadisoana mihitsy mikasika an'izany. Efa nandinika azy rehetra hatrany amin'ny farany aho, ary ireo lafiny amin'izany, sy ny ivelany sy ny anatiny, ary naneho an'izany tamin'ny alàlan'ny Soratra, ny filaharan'izany, hany ka fantatsika fa izany mihitsy no tena Fahamarinana. Hitanareo? Tsy misy fahadisoana mihitsy. Amin'ny Alahady dia manantena aho fa Andriamanitra no handetika an'izany tena lalina mba tsy hahafahanareo hanalavitra an'izany intsony. Hitanareo?

⁶³ Ankehitriny, Andriamanitra dia manome fampitandremana hoe, "Miomàna ho an'ny fitsarana iray." Ireo baomba atomika dia efa ao anatin'ny magazay, ny zavatra rehetra dia vonona. Ary Andriamanitra, mialohan'ny Hahafahany mamela an'io zavatra io hitranga, dia manao antso iray ho an'izany Izzy, tahaka ny Nataony tany Sodoma hoe, "Mivoaha avy ao amin'izany. Aoka ho vonona. Hisy zavatra iray hitranga."

⁶⁴ Tahaka ny tamin'ny andron'i Noa, mialohan'ny nandefasan'Andriamanitra ny rano handrava an'izao tontolo izao tao amin'ilay tontolo lehibe talohan'ny safo-drano izay nilentika tao amin'ny fahotana, araka ny nilazan'i Jesosy mazava fa izany dia andro tahaka an'izao mihitsy. "Tahaka ny tamin'ny andron'i Noa, dia ho toy izany koa amin'ny fihavian'ny Zanak'olona." Ahoana ireo vehivavy eo amin'ny fitrifana, ary—ary manambady sy mampanambady, sy—sy ireo zava-bitia siantifika lehibe, sy ireo tapi-pahaizana mandeha mankany amin'ilay lafiny ara-tsaina, ary ilay Ondry kely manetry tena mihataka eo amin'ny lafiny anankiray miandry mandrapahatongan'ilay fitsarana ka handositra. Ary mialohan'ny nandefasan'Andriamanitra an'io fitsarana io, dia nandefampaminany iray Izzy.

⁶⁵ Tena tahaka ny Nataony tamin'i Hezekia mihitsy, hoy Izzy hoe, "Aoka ho vonona, fa efa vonona hilatsaka ireo fitsarana."

⁶⁶ Ary nanao ny olona ho vonona ho an'izany fotoana izany izy. Nanao ny olona ho vonona i Noa, ary antso iray ho an'ny famindram-po mialohan'ny fitsarana izany.

⁶⁷ Nampahafantarina i Ninive mialohan'ny fotoanan'izy ireo. Nijery an'i Ninive Andriamanitra, ka hoy Izzy hoe, "Izaho dia—Izaho dia marary sy leo an'ireo zavatra ireo." Izaho—izaho—izaho dia mahazo fa—fa ilay...na dia ilay tontolo lehibe, mpanompo sampy, Jentilisa aza... Ny tanànan'izy ireo, tahaka ny naha-izy azy tamin'izany andro izany, dia nitsara azy ireo tamin'ny alàlan'ny tanàna izy ireo; ankehitriny dia amin'ny alàlan'ny firenena izany, ankehitriny dia taorian'ny nipuritahan'ny vahoaka tamin'ny fomba nanaovany azy. Hoy Izzy hoe, "Ity tanàna lehibe ity dia nanolo-tena, manontolo, ho an'ny fahotana."

⁶⁸ Ary Andriamanitra, mialohan'ny Handefasany fitsarana, dia nandefahafatra fampitandremana iray Izzy hoe, "Mivoaha avy ao amin'izany! Aoka hahitsy!" Diniho, ilay mpaminany dia tsy niteny afa-tsy—afa-tsy ny ho... Hoy izy, "Afaka efapolo andro dia ho ravâna ity tanàna ity."

⁶⁹ Ary, oh, toy ny ahoana indraindray ny mahasarotra ny fanaovana zavatra tahaka an'izany, ny miteny amin'ny olona. Raha tsy mitandrina ny mpaminany, dia ho tafiditra anatin'ny olana izy, satria hiala kely etsy amin'ilay lafiny anankiray izy, hiezaka hanamora an'izany, na hanao marimaritra iraisana kely

eto ary iray kely etsy. Fa ny tena mpaminany izay mandray ny baiko avy amin'Andriamanitra, dia tsy tokony hanao marimaritra amin'inona na inona mihitsy, tokony hametraka an'izany tanteraka eo amin'ilay laharana izy.

⁷⁰ Izany no antony Nampiasany ny fanahin'i Elia im betsaka, hitanareo, satria izany fanahy izany dia nanatanteraka foana ny Baikony. Hitanareo? Hitanareo, izany dia nitondra ny Baikony tanteraka mihitsy arak'izay naha-izy Azy, ary isan'andro dia ny "Miverena amin'ny Teny foana!" Hitanareo? Isan'andro dia ny mitondra azy ireo miverina amin'ny Teny foana.

⁷¹ Ankehitriny, dia mahita an'i Ninive ao anatin'ny fahotana isika. Ary niahatra ilay mpaminany satria tontolo Jentilisa iray ilay izy, hitanareo, firenena Jentilisa iray izany, vahoaka Jentilisa iray; tsy ny azy, tsy Hebrewo izany. Jentilisa izy ireo. Sambo lehibe, seranan-tsambo ara-barotra iray i Ninive, nisy orinasa fanjonoana lehibe tao, nanjono ny olona. Ary—ary izy ireo—izy ireo dia nanana...tsy maintsy nanana firenena iray mpanota tany. Be vola; ary—ary rehefa mitobaka ny vola, ka ao anatin'ny fiheverana malaza an'ilay andro ny olona, dia mitoetra ao foana ny fahotana, sy ny herisetra.

⁷² Leo an'izany Andriamanitra. Noho izany dia nanana mpaminany iray Izy tao amin'ilay firenena, koa dia niteny tamin'ny Mpaminaniny Izy hoe, "Mandehana mankany Ninive ary miantsoantsoa, ka manaova hoe, 'Afaka efapolo andro dia ho ravàna ity tanàna ity'"

⁷³ Ankehitriny, nieritreritra i Jona ankehitriny hoe, "Fantatrao, mety ho tafidittra ao anatin'ny olana kely aho." Koa dia te-hahazo antoka kokoa izy, noho izany dia nieritreritra ny haka fialan-tsasatra kely iray izy ary—ary nandeha nankany Tarsisy. Ary hitantsika fa ilay...efapolo andro sisa no tavela. Hitanareo?

⁷⁴ Noho izany dia maika ny Hafatra, antomotra ny fotoana. Aza milalao amin'ny zavatra hafa ka hahazo diploma Bakalorea iray an'ny Lahatsoratra sy hitady zavatra. Antomotra ny ora! Izany no olana amin'ny olona amin'izao andro izao, miezaka manorina sekoly goavana isika sy hanana zavatra tahaka an'izany. Nefa ny famindram-po...Oadray! Raha mitory ny Fihavian'ny Tompo isika, dia inona no ilantsika sekoly? Mila fibebahana amin'Andriamanitra isika! Hitanareo?

⁷⁵ Tahaka ny nolazain'i Hudson Taylor tamin'ilay misionera tanora iray, nilaza izy...Na, zazalahy Sinoa iray izay nanatona azy, hoy izy hoe, "Atoa. Taylor," hoy izy, "ny Tompo Jesosy dia nameno ahy tamin'ny Fanahiny." Hoy izy, "Izaho—izaho dia tena sambatra!" Hoy izy, "Tokony hila folo taona ve aho ankehitriny ka hahazo ny diplomaako sy ny sisa?"

⁷⁶ Hoy izy hoe, "Anaka, aza miandry diploma. Raha mbola mirehitra ilay labozia, dia mandehana lazao Izany! Mandehana

lazao Izany. Aza miandry diploma. Tsia, efa ny antsasakao no ho may alohan'ny hahavitanao, miaraka amin'ny diploma manao."

⁷⁷ Ndao isika, raha mbola mirehitra izany, raha tsy mahafantatra zavatra hafa ianareo, dia lazao fotsiny hoe ahoana no irehetan'izany. Ary izao fotsiny—izao fotsiny aza miezaka maka ny toeran'olon-kafa, na toeran-javatra iray. Rehefa fantatrareo ilay izy, dia lazao fotsiny izay fantatrareo ho ny Fahamarinana hoe, "Izao no fomba nahatongavan'IZany tamiko, ary izao no tsapako mikasika an'IZany." Izany dia... Raha tsy mahafantatra ankoatran'izany ianareo, dia lazao izany! Ndao isika handeha! Maika ny Hafatra, antomotra ny fotoana.

⁷⁸ Ankehitriny, ahoana moa raha nilaza i Isaia hoe, "Eny, ankehitriny dia hiandry aho ary hahita ny fandrosoany miaraka amin'io vay io, aloha, hitanareo. Hahita hoe ahoana—ahoana ilay izy...?"

⁷⁹ Hitanareo, niteny taminy Andriamanitra hoe, "Miakara any ary teneno aminy, izao ankehitriny izao!" Hitanareo?

Ary niteny tamin'i Jona Izy mba handeha. Oh, oadray!

⁸⁰ Ary rehefa tonga tany izy teo amin'ilay ranomasimbe sy teo amin'ilay ranomasina lalina, ary—ary tafiditra tao anatin'ny rivo-mahery ny sambo, ary nampakatra ny lain-tsambo izy ireo ary avy eo dia nihodina dia nihodina, dia nanontany tena izy ireo hoe inona marina ilay olana teo. Saingy tsy afaka nahazo izy ireo, toy ny hoe safotry ny rano ilay zavatra. Ary—ary ny olona tsirairay dia niantso ny andriamaniny, ary ny zavatra voalohany fantatrareo... Teo amin'ny fialan-tsasany i Jona, noho izany dia nihevitra izy fa afaka matory tsara izy, ary tsy maintsy nidina tao amin'ny efitra kelin'ilay sambo izy, ary nandry tao niaraka tamin'ny tongony niakatra, natory. Ary hoy izy hoe, "Mifohaza, O ry kamolahy, ary antsoy ny Andriamanitrap!" Ary fantatri'i Jona ny zavatra tsy nety.

Toy izany koa no ahafantaran'ny olona tsirairay ny zavatra tsy mety amin'izao andro izao! Hitanareo?

⁸¹ Dia hoy izy hoe, "Fahadisoako izao. Raiso aho ka afatory ny tànako, ary atsipazo any anatin'ny ranomasina aho, ary amin'izay fotoana izay dia hitsahatra izao olana izao." Ary izy ireo dia andian'olona toy ny mahalala fomba kely ka tsy te-hanao an'izany izy ireo, saingy hitan'izy ireo fa mpaminany iray izy ary fantany izay nolazainy. Hoy izy hoe, "Izaho—izaho dia nieritreritra fa haka fialan-tsasatra aho aloha, saingy—saingy tsy tian'ny Tompo haka an'izany fialan-tsasatra izany aho. Tsy maintsy mandeha any aho, manana asa iray hatao aho. Nieritreritra aho fa hiala sasatra kely aloha mialohan'ny nandehanako, fa tsy maintsy mandeha aho. Ny—ny hafatra dia maika, tsy maintsy mandeha any aho."

⁸² Nieritreritra aho, rehefa nanana an'i Jona tao anatin'ny vavoniny io trondro hafakely voaomana io, dia niverina izy

ary nandraraka rano nanerana an'ilay firenena, ka nivoaka nankany Ninive haingana arak'izay tratrany. Andriamanitra no nitondra an'ilay hafatra tany tao anatin'io trondro hafakely voaomana io. Ary nivoaka nankany Ninive izy haingana mihitsy arak'izay tratrany, satria izy—izy dia nanana an'ilay iraka tao an-tsambony ka tsy maintsy nitondra azy tany izy. Izy dia naka an'ilay sambo tsy izy, fa Andriamanitra kosa no nanomana sambo iray ho azy.

⁸³ Noho izany, fantatrareo, Andriamanitra dia afaka manao zavatra lehibe raha hihaino Azy fotsiny isika. Hitanareo? Izy—Izy no hanao—Izy no hanao lâlana any amin'izay tsy misy lâlana. Izy *no Lâlana*. Hitanareo? Ary rehefa tena maika tokoa ilay Hafatra, tahaka Azy amin'izao andro izao, dia manomana lâlana iray Andriamanitra.

⁸⁴ Mahamarika indray isika rehefa i Amosa . . . Efa nitory an'io olona io aho, Amosa. Raha tianareo ny hamaky ny tantara indray andro any, lehibe izany, vakio ny tantaran'i Amosa, ny toko voalohan'ny Amosa. Izy dia tandindona hafa anankiray an'ireo—ireo fampitandremana mialohan'ny handonan'ny fitsarana ny fahotana. Ankehitriny, ilay tanàna izay hampitandremany, tany, dia andiana Jiosy izay—izay karazany niala tamin'ilay lâlamasaka izy ireo ka lasa toerana fizahan-tany lehibe iray. Ary—ary heveriko, tahaka ny nanomezako an'ilay sary tamin'izany maraina izany, niresaka ny aminy, hoe, rehefa niseho teo anttampon'ilay havoana ny lohany sola ka niha-tery ireo maso antitra keliny raha njery izy ka nahita ny fahotan'ilay firenena lehibe sy ireo olona, ny volombavany fotsy raha nampiditra ny rantsan-tànany tahaka an'izao izy. Oadray, zavatra iray toy ny inona! Fa tsy nisy olona mahafantatra hoe avy taiza izy.

⁸⁵ Tsy misy mahafantatra an'ireo mpaminany ireo, mipoitra avy any ho any fotsiny izy ireo dia lasa amin'ny fomba mitovy.

⁸⁶ Fa niditra tao an-tanàna izy niaraka tamin'ny "HOY NY TOMPO HOE! Mibebaha, raha tsy izany dia ho levona! Fa handrava an'ity firenena ity Andriamanitra. Izy dia—Izy dia hamafa an'ity toerana ity hiala amin'ny tany. Efa nanao fifanarahana tamin'ny fahavalonareo ianareo. Ary ianareo dia—ianareo dia milamina, heverinareo, miaraka amin'ny fahavalonareo, saingy ireo Asyriana foana no—no mitombo betsaka eto. Tsy afaka miara-dâlana ianareo roa raha tsy efa nifanaiky. Izay ihany dia nilaza izy . . .

⁸⁷ Ary Andriamanitra dia mila antsika manasaraka ny tenantsika. Izy dia mila antsika "hivoaka avy ao amin'izao tontolo izao," fa tsy miezaka ny hiaina miaraka amin'izao tontolo izao sy Andriamanitra koa, tsy miezaka ny haka tahaka an'izao tontolo izao sy an'Andriamanitra. Ianareo dia tsy maintsy miaina ho an'ny Anankiray na ho an'ilay iray hafa, tsy maintsy mino ny Anankiray ianareo na ilay iray hafa.

⁸⁸ Ary ankehitriny dia hitantsika fa, io Amosa io, izy dia nilaza mialoha tokoa ny fitsarana hianjera eo amin'ny olona raha tsy nibebaka izy ireo. (Ary—ary, oadray, tena—tena mitovy tsara amin'ny andrantsika izany.) Heveriko fa ity tanàna lehibe ity, raha mijery an'izany indray amin'ny alàlan'ity aho, ilay tanàna lehibe tany, toy ny ahoana no nanoloran'izany ny tenany rehetra, ary—ary ilay fananana lehibe izay ananan'izy ireo amin'ny zavatra rehetra, ambinina. Ary nihevitra izy ireo fa tena tao amin'ny sitrapon'ny Tompo marina tokoa izy ireo, satria nambinina izy ireo. Saingy hitan'izy ireo fa tsy hoe Andriamanitra foana akory no mpanao ny fanambinana. Tsia, Andriamanitra... Matetika rehefa mandona ny fiangonana ny fanambinana, dia izany no mampanalavitra azy Aminy.

⁸⁹ Fantatrareo, niteny tamin'ny Israely Andriamanitra indray mandeha, nanao hoe, "Nahita anao nihoson-drà tao amin'ny saha Aho, ary nanasa anao Aho ka nampiditra anao," mba ho Zanany Manokana. "Ary rehefa lehibe ianao, ka vehivavy tanora tsara tarehy iray, dia nilalao ny anjaran'ny mpivarotena iray ianao." Hoy Izy hoe, "Ianao—ianaо—ianaо dia nanolotra ny tenanao tamin'ny mpandalo rehetra." Hitanareo? "Fa rehefa nahantre sy nila zavatra ianao, rehefa—rehefa nanana ilaina ianao, dia nanompo Ahy ianao. Fa rehefa nitahy anao Aho ka nanome anao betsaka, dia nanalavitra Ahy ianao." Ary saiky tena voaporofa tahaka an'izany mihitsy ilay izy. Oh, oadray!

⁹⁰ Ankehitriny, hitantsika fa tena nikapoka an'ilay firenena mihitsy ity mpaminany ity, ity Amosa ity. Mpitana angadin'omby iray fotsiny izy. Saingy hitantsika fa rehefa nanao izy, nikapoka ary niteny tamin'izy ireo an'izay hisy, ka niteny tamin'izy ireo fa raha tsy manao ny mahitsy amin'Andriamanitra izy ireo dia ilay fahavaloo izay nalain'izy ireo ho mpiara-miasa ihany no hany tena handrava azy ireo.

⁹¹ Ankehitriny dia hitantsika fa ilay Amerikantsika mpirehareha dia tsy ho afa-mandositra ny fahatezeran'Andriamanitra. Tahaka ny noteneniko indray andro hatramin'ny na ha-teto ahy, azoko antoka fa teto izany, ny amin'ny zavatra rehetra eo amin'ny fiafarany. Fantatrareo, izaho—izaho dia tsy afaka mahita na inona na inona hanorenana. Tsy afaka manorina ianareo eo amin'ny politika, vita ny aminy. Ianareo—ianareo tsy afaka manorina eo amin'ny fiaianana ara-tsosialy, satria efa tena ratsy izany. Tsy misy—tsy—tsy misy na inona na inona hahafahanareo manorina eo. Ary tsy afaka mametraka fanantenana amin'inona na inona ianareo.

"Ahoana ny amin'ny fiangonana?"

⁹² Eny, tsy afaka manao na inona na inona amin'ny fiangonana ianareo, tena ara-pomba loatra izy ary vita, tsy misy na inona na inona tavela intsony. Efa nivarotra ny fizokiany ho an'ny

voamaina iray lovia izy ireo, ary miandry fotsiny ny fitsarana izy ireo. Efa nitety an'ity firenena ity ny Fanahy Masina, naneho an'ireo Famantarany sy fahagagany, nefà dia manao tsinontsinona ny Fahasoavany izy ireo. Manamarina ny Tenany Izy ary manaporofo, amin'ny alàlan'ny Fanamarinany lehibe, hoe Izy no Tenin'Andriamanitra voaseho amin'izao andro izao. Nefà dia mbola mandà an'Izany foana izy ireo. Hitanareo? Tsy misy na inona na inona tavela intsony ankehitriny. Tsy afaka manao an'izany foana amin'Andriamanitra mihitsy ianareo. Hitanareo?

⁹³ Eny àry, hitantsika, voalohany, fa mandefa an'ireo Mpaminaniny miaraka amin'ny fampitandremana Izzy. Tsy manova ny Lèlany Izzy, ny Fombany amin'ny fanaovan-javatra.

⁹⁴ Tsy mikapoka foana Izzy rehefa mananatra Izzy. Tiako ianareo handinika an'izao filazana izao. Andriamanitra dia manome fampitandremana iray saingy tsy mikapoka foana amin'ny fotoana izay Ampitandremany Izzy. Efa voamarikareo ve izany? Ary avy eo rehefa tsy mikapoka Izzy rehefa mandefa fampitandremana iray Izzy, amin'izay fotoana izay dia esoina ilay mpaminaniny hoe, “Tsy nanana Azy ianao. Nilaza lainga ianao. Ianao—ianao dia tsy marina.”

⁹⁵ Izany ilay zavatra mitovy izay mety notenenina tamin'i—tamin'i Isaia. Inona no heverinareo ho noeritreretin'io lehilahy io rehefa niakatra tany izy ka naminany fa ilay mpanjaka dia “ho faty,” avy eo dia niverina indray ka nanao hoe, “Tsia, ho velona izy”?

⁹⁶ Ahoana ny amin'i Jona nandeha teo an-dàlambe, nanao hoe, “Oh, ity tanàna ity dia ho ravàna afaka andro maromaro, efapolo andro,” nefà avy eo dia tsy nanao an'ilay izy Andriamanitra?

⁹⁷ Hitanareo, mila mitandrina ianareo, tsy mikapoka foana Andriamanitra rehefa mampitandrina Izzy. Fa Izzy... Misy zavatra anankiray, amin'izay fotoana izay dia esoina ilay mpaminaniny. Saingy raha mpaminaniny iray voamarin'ny Tenin'ny Tompo izy, hitanareo, ireo famantaran'Andriamanitra, voamarina, araka ny nolazain'Andriamanitra fa ny mpaminaniny dia hohamarinina (fa izay ireo lehilahy ireo), hitanareo, ny Teniny dia tsy azy, fa Andriamanitra izany, ary hiseho izany. Tsy maintsy miseho ilay izy raha Tenin'Andriamanitra Izany. Zavatra anankiray ihany no afaka mampijanona an'izany, izany dia ny fibebahana haingana.

⁹⁸ Mariho, Amosa, izy—izy dia velona mba hahita ny faminianiany, saingy rehefa niteny tamin'io tanàna io i Amosa, hoe ahoana no hitrangan'ilay izy, ahoana no hanaovan'Andriamanitra an'ireo Syriana mba hiditra ary hamely azy ireo, sy ny sisa tahaka an'izany, ary ahoana no hihinan'an'ny fahalòvan'izy ireo manokana azy ireo. Nahoana, mino aho fa raha izao ankehitriny izao... Mijery eto amin'ny Soratra eto aho, ary raha marina ny fanisako an'izany, dia

saiky teo amin'ny manodidina ny dimampolo taona taorian'ny naminanian'i Amosa izany. Ary, ankehitriny, ahoana ny hevitrareo? Efa lasa ny taranaka iray manontolo talohan'ny nisehoan'ny faminanian'i Amosa. Saingy raha hamaky ianareeo eto, dia milaza aminareeo izany, fa izany dia nitranga tanteraka tokoa isaky ny teny izay nolazainy. Hitanareo?

⁹⁹ Jaona dia nahita an'ilay Bokin'ny Apokalypsy. Tsy nitranga tamin'ny androny mihitsy ilay izy. Fa isika no mahita an'izany miseho tanteraka tokoa. Hitanareo?

¹⁰⁰ Daniela no naminany ny amin'ilay andro, ny amin'ny androny sy ny manaraka rehetra. Tsy velona mihitsy izy mba hahita an'izany. Hoy Izy hoe, "Zory ny làlanao, ry Daniela. Ahorony ny boky—ny boky, ary—ary akombony ny boky. Ary handry ianao amin'ny anjaranao, fa hitsangana kosa ianao amin'izany andro izany." Hitanareo?

¹⁰¹ Ankehitriny, hitanareo, ny...ianareo dia tsy avy foana... Andriamanitra...dia tsy mikapoka vantany vao maminany Izy. Ny faminanian'i Amosa, araka ny nolazaiko, dia dimampolo taona taty aorianaa, vao niseho izany. Saingy tsy maintsy niseho ilay izy!

¹⁰² Ary noho izany ny mpaminany dia ny—dia ny...avy ao amin'ny Baiboly...Ny tena mpaminany iray, tena izy dia olona iray hafa indrindra mihitsy. Tsy hoe "hafa indrindra," mba tsy hitovy amin'ny olon-kafa, fa manana asa iray hafa indrindra izy. Hitanareo? Ary, satria manana fanirahana iray hafa indrindra izy, dia tsy maintsy hafa indrindra izy (somary hafa kely amin'ireo sasany) mba hanao an'izany.

Izany dia tahaka an'Andriamanitra fotsiny izay nampitovy an'ireo *Mpaminaniny* ho "voromahery iray."

¹⁰³ Ankehitriny, ny voromahery dia vorona iray hafa indrindra. Vorona iray fotsiny izy, saingy vorona iray hafa indrindra. Ary afaka manidina avo kokoa nohon'ny vorona hafa izy. Afaka mahita lavitra kokoa nohon'ny vorona hafa izy. Ary, ankehitriny, mba handehanana avo kokoa, dia tsy maintsy namboarina izy mba hahafahany mandeha avo kokoa. Ary inona no soa ho azony amin'ny hiakarana eny raha tsy afaka mahita an'izay hataony izy aorian'ny niakarana teny? Hitanareo? Noho izany dia tsy maintsy ho vorona namboarina ho hafa indrindra izy. Hitanareo? Izy dia somary ao amin'ny—ao amin'ny fianakavian'ny papango, izy dia "mpandrotika amin'ny vava." Ary izy dia mihinana ny...maro amin'izy ireo no mpihinana fatim-biby. Misy eo amin'ny efapolo samihafa eo ny karazam-boromahery.

¹⁰⁴ Fa, hitanareo, ao amin'ny fiangonana dia misy ny pasitera, ary io pasitera io dia olona hafa indrindra. Izy dia namboarina ho eo amin'izay hahafahany—hahafahany mahatanty ny fifamalian'ny olona. Izy—izy—izy dia mpitonandra enta-mavesatra, izy no ombin'ny zioga. Izy—izy dia lehilahy iray

izay afaka mipetraka rehefa ny... misy olona manana zavatra manohitra ny olona iray hafa, ary mipetraka miaraka amin'ireo fianakaviana anankiroa ireo (ary tsy manao fiandaniana) sy mandanjalanja an'izany ary mamerina an'izany hahitsy amin'ny fahamoram-panahy. Hitanareo? Izy—izy no pasitera, izy no mahafantatra hoe ahoana no hikarakarana ny zavatra.

¹⁰⁵ Ny evanelista dia lehilahy hafa indrindra. Izy dia lehilahy iray izay mirehitra tahaka ny vaingan'afô. Mihazakazaka ao amin'ny tanàna iray izy ary mitory ny hafany, avy eo dia mivoaka any an-kafa any ho any. Hitanareo, izy dia lehilahy hafa indrindra.

¹⁰⁶ Ny mpampianatra dia lehilahy iray hafa indrindra. Izy dia mipetraka eo ambanin'ny hosotry ny Fanahy ary afaka maka an'ireo Teny ka manambatra azy amin'ny alâlan'ny Fanahy Masina, ka, ny pasitera na ny evanelista, tsy misy anankiray, izay afaka ampitahana aminy.

¹⁰⁷ Ary avy eo, dia hitantsika, fa ny apostoly dia lehilahy iray hafa indrindra. Izy no—izy no “mpandamina.” Izy dia lehilahy iray izay nirahina avy tamin'Andriamanitra mba hametraka ny zavatra rehetra ao amin'ny filaminana.

¹⁰⁸ Ny mpaminany dia lehilahy iray hafa indrindra. Ny mpaminany dia lehilahy iray izay hahatongavan'ny Tenin'ny Tompo, satria ny mpaminany dia tena voavoatra (ny fiainany) ka ny amparahatony sy ny fahatongavan-tsainy voalohany dia tena mifanakaiky hany ka tsy mila matory izy mba hanofisany nynofiny, hitany izany raha mbola mifoha izy. Hitanareo? Ankehitriny, izany dia zavatra izay tsy maintsy ataon'Andriamanitra. Hitanareo, hitany izay miseho.

¹⁰⁹ Ny mpaminany dia mahita mialoha ny any lavitra, hitanareo, ireo zavatra izay ho avy. Hitany ny kapoaky ny fahatezeran'Andriamanitra, feno, mialohan'ny nahafeno azy. Hitanareo? Izy dia afaka miteny hoe, “HOY NY TOMPO HOE! Andriamanitra dia handrava an'ity tanàna ity raha tsy mibebaka ianareo.” Nahoana? Voromahery iray izy. Mandeha any lavitra be any izy. Hitanareo? Ary mijery ny any lavitra any izy ka mahita an'io kapoaky ny fahatezerana io nararaka. Izany no jeren'ilay mpaminany. Tsy mijery an'izay miseho eto izy, mijery ny any lavitra be any izy! Hilaza izy hoe, “Ho avy izany!” Afaka mandeha tena avo be izy hany ka afaka mahita an'io aloka io izy. Hoy izy hoe, “Izao tontolo izao dia ho maizina—aizina ary aizina matevina.” Tena any amin'ny avo be izy, mamiratra ilay masoandro ankehitriny, saingy mahita an'io aloka io tonga izy, ary izy dia—izy dia—izy dia milaza an'izay jereny. Tsy mbola eto akory izany, fa azo antoka fa ho eto izany! Marina izany. Tsy maintsy ho eto izany, aizina matevina eo amin'ny olona. Fantany fa ho avy izany, taona maro mialoha, kanefa dia hitany izany.

¹¹⁰ Amosa, io mpaminanin'Andriamanitra voahosotra io, izy dia nahita an'ilay—ilay aizina sy ilay fitsarana. Hitany i Syria tonga niaraka tamin'ireo kalesiny nitangorona teo, nandripaka an'ireo olona ireo. Nahita an'izany tonga izy sy ny fitsaran'Andriamanitra teo ambonin'izy ireo, ankehitriny, dimampolo taona nialohan'ny nitrangan'izany. Fa, hitanareo, amin'ny maha-mpaminany, dia nakarina tao amin'ny Fanahy izy ary nahita an'izany avy lavitra. Hitanareo? Hitany ilay kapoaka, feno, mialohan'ny nahafeno azy.

¹¹¹ Tahaka an'i Abrahama. Andriamanitra no niteny tamin'i Abrahama hoe, "Ny taranakao dia ho tonga eto amin'ity firenena ity ka hivahiny eto mandritry ny efajato taona, ary avy eo dia Izaho no hitondra azy ireo hivoaka amin'ny tānana mahery, satria mbola tsy feno ny helok'izy ireo, ry Abrahama. Fantatr'Andriamanitra fa tsy maintsy ho feno io kapoaka io. Niresaka tamin'ny Mpaminaniny Izy, niteny taminy Izy ankehitriny hoe, "Hitanao io kapoaky ny Amorita eo io," hitanareo, "saingy mbola tsy feno ny helok'izy ireo, ry Abrahama. Aza milaza na inona na inona mikasika an'izany ankehitriny, mahareta, fa ho avy izany. Ary rehefa feno ny kapoakan'izy ireo, sy ireo efajato taona ireo, dia hamoaka azy ireo tahaka ny valala eo anatrehanareo Aho, ary hametraka ny taranakao eto amin'ity firenena ity Aho." Amen! Izany no mpaminanin'ny Tompo.

¹¹² Ankehitriny, rehefa miresaka ny amin'ny fahitany izy, na fahatezerana izany na fanasitrana izany, mety haharitra izany, saingy tsy maintsy hiseho izany raha niteny tamin'ny Anaran'ny Tompo izy. Hitanareo? Mety ho fitahiana izay ho lazainy aminareo izany. Miteny zavatra iray aminareo izy, nefo tsy hitanareo mihitsy ilay izy. Hoy ianareo hoe, "Ahoana no hampety an'izany? Nahoana, izany dia...Izaho—izaho—izaho... Izy no niteny tamiko hoe, 'HOY NY TOMPO HOE, "Ity no hitranga, ary itsy no hitranga,'" nefo tsy nitranga ilay izy. Diso ilay lehilahy!" Ankehitriny dia ho tsaraina nohon'ny tsy finoana an'Izany ianareo, fa tsy maintsy mitranga izany na ahoana na ahoana! Hitanareo? Tsy maintsy hitranga izany!

¹¹³ "Na dia maharitra aza izany," dia hoy ny Baiboly hoe, "mbola hiteny izany amin'ny fotoany." Hiseho izany.

¹¹⁴ Mijery lavitra fotsiny ihany ilay mpaminany ary mahita zavatra. Miresaka ny amin'izay jereny izy. Tsy mieritreritra ny eto izy sy izay jerenareo ankehitriny, mijery an'izay hisy izy. Ary rehefa miteny an'izany izy, raha ao amin'ny Tenin'ny Tompo izany, efa voateny ilay izy ary tsy misy na inona na inona eto amin'izao tontolo izao afaka hanakana an'izany (hitanareo, marina izany,) Andriamanitra Izy tenany ihany.

¹¹⁵ Mariho, ankehitriny dia hitantsika fa rehefa... Izy—izy dia miteny ny fahitany, miteny ilay mpaminany. Ankehitriny,

indraindray dia milaza zavatra tsara izy, miteny ny amin'ny fahasitrananareo izy. Tena tsara, mety mieritreritra ianareo hoe, "Tsy mety hitranga mihitsy izany, tsy tsara mihitsy aho." Amin'izay fotoana izay dia inona no atao'izany? Mitondra an'ireo fitsaran'Andriamanitra eo aminareo fotsiny izany. Marina izany. Hitanareo? Jesosy no nampanantena ny hamonjy anareo raha mino an'Izany ianareo; raha tsy mino an'Izany ianareo, izany dia tsy—izany dia tsy hitranga aminareo. Tsy maintsy manaiky an'Izany ianareo, tsy maintsy mino an'Izany ianareo. Hitanareo? Ary tsy maintsy fantatrareo hoe avy aiza Izany, izany no manome anareo finoana an'Andriamanitra; na, ny mpaminaninareo. Hitanareo? Tsy maintsy mino an'Izany ianareo.

¹¹⁶ Ary ankehitriny dia hitantsika eto izany, fa ireto mpaminany izay niteny ireto, izy ireo—izy ireo dia niteny ary izay nolazain'izy ireo dia niseho. Ary raha nararaka teo amin'ny olona ilay fahatezeran'Andriamanitra, dia zavatra anankiray fotsiny no misy... Raha nilaza ilay mpaminany fa hisy zavatra hafa iray hitranga, dia zavatra anankiray fotsiny ihany no hampitsahatra ny tànan'Andriamanitra, izany dia ny fibebahana. Fibebahana amin'Andriamanitra izany, izany no mampitsahatra ny Fahatezerany. Ankehitriny, aza miandry an'izany, ataovy àry izany! Miteny zavatra iray Andriamanitra, dia ataovy eo no ho eo izany.

¹¹⁷ Hezekia, vantany vao fantany... Izy dia olona tsara, saingy hoy Andriamanitra hoe, "Tonga ny fotoananao, ry Hezekia, ary Izaho—Izaho tsy maintsy haka anao. Izaho—Izaho dia mila, Izaho dia hanaisotra anao. Alamino ny ankohonanao rehetra."

¹¹⁸ Ary izy—izy—izy nanao hoe, "Hila dimy ambin'ny folo taona aho hanaovako an'izany, Tompo." Hitanareo? "Ankehitriny, dia Ianao... Izaho—izaho—izaho dia mahafantatra fa handeha aho, saingy mila dimy ambin'ny folo taona izany handaminako ny ankohonako. Tsy afaka mahavita an'izany izao ankehitriny izao aho. Izaho—izaho dia tsy manam-potoana hanaovana an'izany. Izaho—izaho—izaho dia tsy afaka mahavita an'izany mihitsy. Tompo, avelao aho ho velona dimy ambin'ny folo taona hafa indray mba hahafahako mahavita an'io zavatra io. Tsy afaka mandamina ny ankohonako aho..."

Hitanareo, ny fanirahan'Andriamanitra dia hoe, "Alamino ny ankohonanao!"

¹¹⁹ Ary hoy i Hezekia hoe, "Tsy afaka mahavita an'izany amin'ity taona ity aho, hila fotoana izany ho ahy. Hamerina an'ity aho, sy hanamboatra an'ity ary handamina an'izany amin'ity olona eto ity, hila dimy ambin'ny folo taona aho hanaovako an'izany. Tehirizo fotsiny aho hanaovako an'izany. Avelao aho... avelao aho... omeo fotoana kely aho hanaovako an'izany." Hitanareo?

¹²⁰ Tamin'izay fotoana izay dia hoy Andriamanitra hoe, "Izaho dia—Izaho dia—Izaho dia—Izaho dia hiantra." Saingy tsy maintsy ho faty izy na ahoana na ahoana, hitanareo.

¹²¹ Ary avy eo indray, dia naka ny fotoanany izy, niverin-dàlana izy nandritr'io fotoana io. Hitanareo? Ary tsaratsara ho azy—tsaratsara kokoa ho azy ny nanohizany tsy nandamina an'ilay izy. Marina izany. Saingy nanome azy dimy ambin'ny folo taona lava Izzy handaminana ny ankohonany. Satria, haingana, inona no nataony? Hoy izy hoe, "Tompo, miadana aho. Mila dimy ambin'ny folo taona aho hanaovana an'izany. Ianao no naniraka ahy handamina ny ankohonako. Tsy afaka mahavita an'izany mandritry ny dimy ambin'ny folo taona aho satria manana trosa aho eto, ary manana an'ity aho eto, ary manana an'ity aho eto hatao."

¹²² Ankehitriny, lehilahy tsara iray izy, ary ny Tenin'Andriamanitra dia tsy maintsy mitranga na ahoana na ahoana. Tsy maintsy miseho izany na ahoana na ahoana, fa Najanony vetivety kely fotsiny Izany, hitanareo, nohataraainy taminy Izany. Avy eo dia nanao fahotana izy nandritr'io fotoana io. Hoy Izzy hoe, "Tsy hanao an'ilay izy eo aminy Aho, fa Hataoko manjo an'ireo zanany aoriany izany." Fantatrareo ny tantara.

¹²³ Ankehitriny, dia hitantsika fa ny fibebahana haingana iray indraindray dia mihazona ny fahatezerana vetivety.

¹²⁴ Ankehitriny, hitantsika fa i Ninive... Hoy Andriamanitra hoe, "Mandehana mankany ary miantsantsoa amin'izany tanàna izany ankehitriny, ary lazao azy ireo hoe, 'Raha... afaka efapolo andro dia hilatsaka ilay zavatra.'" Ary, oadray, tena nibebaka izy ireo! Vantany vao hitan'izy ireo nandalo teo amin'ny lèlambe ilay mpaminany, nanao hoe, "HOY NY TOMPO HOE, 'Hianjera ilay toerana afaka efapolo andro! Hianjera ilay toerana!'" Ny...

¹²⁵ Na dia ny mpanjaka aza dia nandidy ny—ny—ny fifadian-kanina iray nanerana an'ilay firenena, fisaonana hoe, "Anaovy ny lamba fisaonana, asio lavenona! Tsy eo amin'ny lohanareo manokana ihany sy eo amin'ny vatanareo ary eo amin'ny nofonareo, fa eo amin'ny biby fiompinareo koa, eo amin'ny biby eny an-tsaha, asio lavenona sy lamba fisaonana." Fibebahana toy ny inona!

¹²⁶ Ankehitriny, rehefa hitantsika teo, mahamarika isika, fa raha tsy nitandrina haingana ilay mpaminany, hitanareo, maka ny fahakingan-tsainy ka nandeha teo amin'Andriamanitra, dia hahita zavatra mihitsy ianareo eo, raha tsy mitandrina ianareo...

¹²⁷ Ankehitriny jereo i Isaia, niteny fotsiny ny faminaniany izy, dia niverina tao amin'ny trano lay keliny tany an-efitra. Ary, rehefa niverina izy, dia tsy namerina niteny tamin'ilay mpanjaka izay nivavaka ny Tompo. Nanana fomba iray fanaovan-javatra

Izy. Nisy mpaminany iray teo amin'ilay firenena. Ny Tenin'ny Tompo dia tonga amin'ny Mpaminaniny. Nivoaka teo Izy ary nanao hoe, "Ry Isaia, miverena ary lazao azy fa reko ny fivavany. Efa azoko fa izany... fa izy dia nihevitra fa hila dimy ambin'ny folo taona izy hanaovana an'io. Efa hitako ny ranomasonry satria te-hanao mafy an'ilay asa izy. Hila dimy ambin'ny folo taona izany ho azy, hoy izy, hanaovana an'izany. Mandehana lazao azy fa Havelako hahazo an'izany izy, amin'izay fotoana izay." Hitanareo?

¹²⁸ Nahoana? Izy no naniraka—Izy no naniraka an'i Isaia handeha hilaza aminy hoe, "HOY NY TOMPO HOE!" Koa raha misy fanovàna iray ao amin'izany, na faharetana... Tsy maintsy hitranga izany na ahoana na ahoana; izy—izy dia efa maty foana ihany. Saingy hoy Izy... Raha misy zavatra ao amin'izany, amin'izay fotoana izay dia voatery Izy hiverina eo amin'ilay lehilahy izay Nandefasany ny HOY NY TOMPO HOE. Niteny tamin'i Isaia Izy hoe, "Mandehana miverina any ka lazao aminy."

¹²⁹ Ankehitriny, nanao fihetsika hafa i Jona, niakatra teny antampon'ny havoana izy ka nanao hoe, "Eny, tsara raha tsy teraka akory aza aho." Ary, oh, toy ny ahoana no nanohizany! Ary nampaniry tanatanamanga kely iray Andriamanitra ary nampaka alokaloka azy hany ka nangatsiatsiaka izy teo. Fa hoy izy hoe, "Ankehitriny, indro, nandeha teo aho, ary hilaza izy ireo fa mpaminany sandoka iray aho."

¹³⁰ Ary niteny taminy Andriamanitra, nanao hoe, "Jereo io tanàna eo io! Jereo io, ry Jona, fa ny tanàna manontolo no mibebaka miaraka amin'ny lamba fisaonana sy lavenona."

¹³¹ Ary avy eo dia nilaza taminy mikasika an'ilay tanatanamanga kely Izy sy ny kankana izay namotika azy. Indray andro, raha sitraky ny Tompo, dia tiako ny ho tonga eto amin'ny Tabernakla ka haka ampahany maromaro fotsiny eo amin'i Jona. Oh, misy zavatra maro lehibe... ilay rivotra nitsoka avy any atsinanana, sy ny sisa. Oh, oadray! Misy zavatra maro be ao amin'izany, izany fotsiny... mampientanentana izany. Ireo vatosoa ao anatin'izany, io rehetra io dia manao tandindona mihitsy ao amin'izany, mety. Mitondra an'i Jesosy Kristy ao anatin'izany mihitsy aza izany, sy ny zavatra hafa. Mazava ho azy, ny andalana tsirairay ao amin'ny Baiboly dia mitondra an'i Jesosy Kristy. Eny, tompoko. Izany no lesontsika Alahady, koa dia ho hitantsika izany, raha sitraky ny Tompo.

¹³² Ary mariho, misy zavatra izay ianareo... Raha tso-po ianareo ka hilaza amin'Andriamanitra... Ankehitriny, tsy maintsy mitandrina ianareo.

¹³³ Ankehitriny dia tiako ny hampiseho anareo Jona hafa iray eto amin'ny lampihazo anio hariva.

¹³⁴ Indray hariva dia nisy olona izay tonga teto. Ilay ramatoa angamba dia (ny sasany amin'ireo ankohonany) eto izao hariva izao, noho izany dia tsy hiantso ny anarany aho, mety ho fantatrareo angamba hoe iza izany. Fa tonga teto izy ireo, andian'olona mahafinaritra avy any Kentucky, ary izy ireo—izy ireo dia tonga eto nandritry ny taona maro. Fa ireo olona, dia olona mahafinaritra, sakaizako tsara. Oadray, izy ireo—izy ireo dia efa tena sakaizako tsara, saingy izy ireo... Anankiray amin'ireo karazan'olona izay rehefa misy fifohazana iray dia tonga ao am-piangonana izy ireo; rehefa tapitra ilay fifohazana, ka misintona ilay enta-mavesatra, dia tsy misy te-hisintona ny olona. Ary ireo ankizy rehetra teto dia tao amin'ny trano fitaizana, izy ireo dia nanana ny... rehefa nanana an'ireo sekolintsika sy ny sisa isika.

¹³⁵ Ary indray andro dia lasa nody aho, teo amin'ny efa-taona lasa teo izay, na dimy, zavatra tahaka an'izany. Ary io tovovavy io, (izay teo amin'ny valo taona teo fony izy tao amin'ilay trano fitaizana), efa nanambady izy ary nanana zanaka anankiroa. Ary nandry tao amin'ny hopitaly teto izy, teo an-dàlam-pahafatesana. Izy dia teo amin'ny efa-bolana teo, dimy, nitoe-jaza; ary maty ilay zaza, ary tsy afaka nandidy izy ireo satria tratry ny urémie izy. Ary tsy afaka nandidy izy ireo, noho izany ilay reny dia tsy maintsy navela ho faty, ihany koa. Tsy afaka nandidy izy ireo, ary, hitanareo, hamono azy tahaka an'izany ilay zaza, noho izany izy ireo dia... ho faty fotsiny izy, izay ihany, tsy nisy anjara intsony ho azy.

¹³⁶ Nandeha njery azy aho, nampaniraka haka ahy izy. Ary niditra tao amin'ilay hopitaly aho, ka teo izy teo ambanin'ny trano lay misy rivotra. Nakariko ilay kopaka kely, niresaka kely taminy, ary hoy aho hoe, "Tadidinao ve aho?"

Hoy izy hoe, "Azo antoka, Ranadahy Bill, tадидико ianao."

¹³⁷ Hoy aho hoe, "Ahoana ilay izy no... Fantatrao ve fa tena marary ianao?"

Hoy izy hoe, "Fantatro." Hoy izy, "Izany no antony nampanirahako haka anao."

Hoy aho hoe, "Eny, nahoana, ahoana ny aminao sy ny Tompo?"

Hoy izy hoe, "Ranadahy Bill, izaho—izaho dia... Izaho—izaho dia mbola tsy vonona ny handeha."

¹³⁸ Eny, nandohalika teo izahay ary nivavaka, ary ny reniny sy ny vadiny, ny maro tamin'ireo no tao amin'ilay efitra, ary ny reniny sy ny vadiny dia nanomboka nitomany. Ary—ary avy eo aho—aho dia nanontany azy, ary nahitsy niaraka tamin'Andriamanitra izy (nanao ny voadiny sy niverina ary nanao ny fampanantenana an'Andriamanitra; fa raha voavela izy; toy ny ahoana no nitiavany Azy; ary nanenina tamin'ny fahotany, ny fomba niaianany), ary nanohy niaraka tamin'ny

fibebahany sy nitomany. Ary afaka kelikely dia nitsangana aho ary nivoaka an'ilay tranobe.

¹³⁹ Ary ny—ny ampitso maraina dia niantso ahy izy ireo, mba hiverina tany. Ary, dia hita fa, tonga izy ireo tamin'io maraina io mba hanao fizahana iray sy hahita hoe ahoana no—no fandrosoan'ilay urémie, ary nahita fa tsy nanana na dia pentina iray an'izany izy. Lasa daholo izy rehetra, ny kely indrindra tamin'ilay poizin'ny urémie dia niala taminy. Taitra tanteraka ireo dokotera hany ka hoy izy ireo hoe, "Oadray! Nahoana, ity, izahay dia tokony... Zavatra tena hafahafa ity." Hoy izy ireo, "Izahay dia—izahay dia hanomana azy," ary nanao hoe, "raha mbola toy izany ilay izy hatramin'ny maraina..." Hoy izy ireo, "Hanohy hanome azy penicilline izahay," na inona na inona nomen'izy ireo azy, hampijanona an'ireo areti-mifindra. Hoy izy ireo, "Handidy azy izahay ary—ary hanala an'ilay zaza maty alohan'ny hisian'ny zavatra hafa." Hoy izy ireo, "Raha tena tsara izy, amin'izay fotoana izay..."

¹⁴⁰ Eny, indroa na intelo tamin'io andro io no nizahany azy indray. Ary tamin'io alina io, efa tara, dia nizaha azy izy ireo, tsy nisy na inona na inona ratsy, tena tsara tanteraka. Ary nikarakara azy izy ireo. Nanala azy tao ambanin'ilay trano lay misy rivotra. Ny zavatra rehetra dia tsara. Handidy azy izy ireo ny ampitso maraina, hanala an'ilay zaza.

¹⁴¹ Eny, nivoaka tao aho. Ary satria vita izany... Ankehitriny, tsy nahafantatra an'ilay izy mihitsy aho, tsy nahafantatra mihitsy aho. Tsy niteny na inona na inona tamiko mihitsy ny Tompo mikasika an'ilay izy. Afaka manontany ny olona ianareo, raha tianareo. Noho izany izy ireo...izy...Tsy nilaza mihitsy Izy fa ho izany ilay izy. Fa, oh, oadray, ny mahita ny—ny zavatra toy izany! Ny vadiny, izay mpanota iray, dia nanatona ka nanao hoe, "Rahalahy Branham, izaho—izaho dia maniry hanolotra ny fiainako ho an'ny Tompo Jesosy."

¹⁴² Dia hoy aho hoe, "Eny àry, mandohaleha fotsiny eto ary hazony ny tånan'ny vadinao, ary avy eo dia miaraha mandeha amin'izany fiainana mahitsy izany ianareo."

¹⁴³ Niverina ilay reny, hoy izy hoe, "Ranadahy Branham, fantatrao, indreto izaho sy ireo zanako," hoy izy, "izahay rehetra dia niditra sy nivoaka, ary niditra sy nivoaka, ary nanodidina ny Tabernakla, sy ny sisa. Nipetraka izahay ary nihaino anao nitory teny, ary nankeny amin'ny alitara izahay dia niverina." Hoy izy, "Izaho dia mpiverin-dàlana, ihany koa, Ranadahy Branham." Hoy izy hoe, "Te-hiverina amin'ny Tompo Jesosy aho, noho ny Fahatsaram-panahiny tamin'ny zanako." Eny, hitanareo, izany—izany no tena tsara, saingy aza manatona ny Tompo Jesosy noho izany fotsiny ianareo.

¹⁴⁴ Nanodidina ny misasak'alina teo, tamin'ny roa ambin'ny folo, tamin'ny iray, dia renoka natory ny reniny. Ary nilaza izy, niantso azy, nanao hoe, "Neny."

Dia hoy izy hoe, "Eny, malala, inona no ilainao?"

Hoy izy hoe, "Fantatrao, tena sambatra aho!"

Hoy izy hoe, "Tena faly aho raha sambatra ianao."

Hoy izy, "Miadana aho miaraka amin'Andriamanitra." Ary hoy izy, "Oh, mahafinaritra toy ny inona izany!"

Afaka minitra vitsy, dia niantso indray izy, hoy izy hoe, "Neny."

Hoy izy, "Eny?"

Hoy izy, "Hody any an-trano aho."

¹⁴⁵ Dia hoy izy hoe, "Fantatra fa hody ianao." Hoy izy hoe, "Eny, ry malalan'ny fo," hoy izy, "hanala an'ilay zaza ny dokotera rahampitso. Ary dia eo amin'ny indray andro na roa, rehefa sitrana ny ferinao ka hiala eto ianareo, dia hiverina hody any an-trano ianao ary ho sambatra indray, ianao sy ny vadinao ary ireo zanakao kely, ka ho Kristiana iray ary hiaina ho an'Andriamanitra."

Hoy izy hoe, "Neny, ny tiako ho lazaina dia hoe hody any amin'ny Toeran-Danitro aho."

Hoy izy hoe, "Azo antoka, ry malala, amin'ny faran'ilay dia."

Hoy izy hoe, "Izao no faran'ilay dia."

"Oh," hoy izy, "ankehirtriny, inona ny olana?"

¹⁴⁶ Hoy izy, "Ilay faran'ny dia." Koa dia hoy izy, "Eny, ry neny, afaka minitra vitsy dia ho lasa aho."

¹⁴⁷ Eny, nihevitra izy fa nikorontan-tsaina fotsiny izy ary nidelira. Niantso an'ilay mpanampy izy, ilay mpanampy nandray ny fofon'ainy. Ara-dalàna daholo ny zavatra rehetra. Ary afaka dimy minitra dia lasa izy, maty izy.

¹⁴⁸ Ary avy eo rehefa niverina nody aho, afaka herinandro iray na roa taorian'izany... Heveriko fa Rahalahy Graham no nitory teny tamin'ny fandevenana an'ilay zazavavy. Rehefa niverina nody aho ka nilaza tamiko i Meda fa maty tamin'io alina io ilay zazavavy, oadray, izaho dia tsy nety...

Izaho—izaho dia nandeha njery an'ilay reny. "Hia."

¹⁴⁹ Ary izaho—izaho—izaho dia tsy nahafantatra hoe inona no nahatonga ahy nanao an'ilay izy, fa hoy aho hoe, "Tompo Andriamanitra, Ianao—Ianao dia ananako fanazavana iray," (Hitancareo?) "rehefa avy nandeha tany aho ary—ary niteny tamin'ilay vadiny, ary izy nanatona ny Tompo taorian'ny Nanaovanao an'ireo zavatra ireo taminy, sy ny rehetra tahaka an'izany, nefo avy eo naka ny ain'io zazavavy io tahaka an'izany." Hoy aho hoe, "Ianao dia ananako fanazavana iray."

¹⁵⁰ Rehefa miteny zavatra tahaka an'izany amin'Andriamanitra ianareo, dia Havelany hipetraka irery eo ianareo. Izaho tsy... Tsy ananako na inona na inona Izzy. Izaho no mpitrosa Aminy. Eny, Navelany hidongy an'izany nandritry ny andro vitsy aho, fantatrareo. Ary, afaka telo na efa-bolana, indray andro dia teo amoron'ny renirano aho ary niteny tamiko tao anatin'ny fahitana iray ny 'Tompo, ary nanao hoe, "Ankehitriny mandehana mankany amin'ilay reny, ary lazao an'izao ilay reny hoe, 'Tsy efa tamin'ny taona talohan'izao ve no efa tonga ny fotoany, rehefa latsaka tao anatin'ny renirano izy, tamin'ny fitsangatsanganana iray? Tokony efa ho lasa izy tamin'io fotoana io, saingy tsy maintsy naka Azy aho rehefa vonona ny handeha izy.' Ary izany no antony nitrangan'io rehetra io ary izany no antony nandehananao tany."

¹⁵¹ Noho izany dia nandohalika aho ary nitomany. Hoy aho hoe, "Tompo Jesosy, mamelà ahy, Mpanomponao mahantra tsy manan-tsaina. Tsy tokony ho niteny an'izany mihitsy aho, Tompo."

¹⁵² Ary nandeha nankany amin'ilay ramatoa aho, nipetraka teto izy ao Market Street, ary nanatona azy aho, ka hoy aho hoe, "Te-hametraka fanontaniana iray aminao aho."

Hoy izy hoe, "Azo antoka, Ranadahy Bill."

Dia hoy aho hoe, "Marina ve fa saiky maty an-drano io zazavavy io?"

¹⁵³ Hoy izy hoe, "Marina izany, Ranadahy Branham." Hoy izy, "Ny vadiny sy izy ireo—izy ireo no nitondra azy teo amin'ny renirano." Ary hoy izy, "Tsy maintsy nampiasa fofon'aina noforonina izy ireo, ary nametraka fitsofana, ary tsy maintsy naka fitaovana iray izy ireo ary nitroka avy tao aminy." Hoy izy, "Nanao ny zipony izy. Nanao fitsangatsanganana iray izy ireo. Tany izy ary nandeha teo amin'ny fasika iray, nibolisatra ka ny lohany no nandeha aloha ary sempotra tao anaty rano. Tsy voamarik'izy ireo izy. Ary hitan'izy ireo avy hatrany izy nipoitra dia nilentika, ary nihazakazaka izy ireo ka naka azy ary namoaka azy." Ary hoy izy, "Efa saika maty izy." Hoy izy, "Izy..."

Hoy aho hoe, "Fotoana nandehanany izany."

¹⁵⁴ Hitanareo, Andriamanitra dia mahafantatra an'izay Ataony. Ankehitriny, mety ho niteny an'izany tamiko angamba ny Tompo raha tsy nanao an'io fihetsika izay nataoko io aho hoe, "Tompo, ananako Ianao, ny hiteny amiko mikasika an'izany." Tsy anananareo na inona na inona Izzy!

¹⁵⁵ Nitsangana tao amin'ny fivoriana iray aho indray hariva ary nandre evanelista anankiray nivavaka ho an'ny olona marary iray, nanao hoe, "Andriamanitra, mandidy Anao aho hanasitrana an'ity olona ity!" Iza no handidy an'Andriamanitra? Hitanareo? Izany—izany—izany dia tsy—izany dia tsy ho hendry

mihitsy akory aza, hitanareo, satria io Andriamanitra io, Izy—Izy dia manao izay Tiany hataeo.

¹⁵⁶ Afaka ve—afaka miteny amin'ny mpanefy ve ny tanimanga hoe, “Nahoana aho no nataonao an’izao?” Hitanareo? Tsia tokoa! Fa raha hipetraka tsara ilay mpaminany ary avy eo mitady ny Tompo izy ho an’ilay valiny, dia misy valiny eo. Hitanareo?

¹⁵⁷ Tahaka an’ity olona izay nanontany teo amin’ny—ny—ny fanontaniana mikasika ny taranaky ny menarana, hitanareo. Izao fotsiny—izao fotsiny mandiniha, ary aza—aza dia—aza dia maika loatra. Ary amin’izay fotoana izay, ankehitriny, Andriamanitra dia manao foana ny zavatra rehetra hiara-miasa hahasoa an’izay rehetra tia ny Tompo.

¹⁵⁸ Ankehitriny, raha—raha tsy nibebaka i Ninive, tamin’izay fotoana izay dia ho tonga teo amin’izy ireo ny fitsaran’Andriamanitra. Ankehitriny tsarovy, tsy maintsy mihaino ilay mpaminany. Fampitandremana iray izany.

¹⁵⁹ Ankehitriny, mitovy amin’izany ho an’ity firenena ity. Avy eo ianareo dia manao hoe, “Rahalahy Branham, tamin’ny Alahady lasa ianao dia nanao hoe ‘Tsy nisy fanantenana intsony?’” Eny! “Nahoana?” Nandà ny antsony izy. Tokony nandray an’izany izy. Handray an’izany izy. Ho avy ny fotoana izay hahatonga an’ity firenena ity ho potipotika. Nahita an’izany aho tamin’ny 1933. Hitanareo, njery lavitra aho.

Ianareo no niteny, mety niteny ianareo hoe, “Eny, tsy nitranga izany.”

¹⁶⁰ Fa hitranga izany! Na i Mussolini aza tsy mbola teo amin’ny fahefana, na ny Maginot Line aza tsy mbola voaorina, na ny fiara aza tsy mbola nitovy tamin’ny atody tamin’izany andro izany, sy ny sisa, na ireo vehivavy aza tsy mbola voafidy ho Filoha izay ho toy ny—ny tovolahy mpianatra iray, ary ireo zavatra hafa ireo, na tsy mbola nisy Filoha iray Katolika aza, sy ny sisa, izay voateny. Teo amin’ny telopolo taona lasa izany, na mihoatra, ireo zavatra izay voalaza mialoha, fa Nasehony ahy fotsiny avy any lavitra ny farany.

¹⁶¹ Ary araky ny hanatonan’izany zavatra izany, isan’andro isan’andro, dia miha-feno ilay kapoaka! Ary ny fibebahana dia efa voatorin’i Billy Graham, Oral Roberts, sy iza koa. Ireo mpaminany, sy ny sisa, dia efa nitety ny firenena niaraka tamin’ireo famantarana sy fahagagana, fa miroboka tsy ankitsahatra ao anatin’ny fahotana izy. Izany no antony tsy hibebahan’izy ireo, ny fibebahana no mitondra an’izany.

¹⁶² Mariho, tsy nibebaka tamin’ny fananaran’i Elia mihitsy i Ahaba. Raha nibebaka i Ahaba ka nandeha tsotra teo anatrehan’Andriamanitra, dia tsy nitranga mihitsy ilay zavatra. Fa tonga teo i Ahaba ary naka ny tanim-boalobok’i Nabota ary nampamono azy, sy ireo zavatra ratsy rehetra ireo. Ary Jezebela... Nandeha teo io mpaminany io niaraka tamin’ny HOY

NY TOMPO HOE! Fa inona no nataon'izy ireo? Norahonany ho faty fotsiny izy. Inona no nitranga? Tanteraka ny faminaniany, ireo alika no nihinana azy ary nilelaka ny ràn'i Ahaba. Tena araka ny teniny mihitsy! Hitany ilay kapoaka, feno.

¹⁶³ Izany no antony tamin'i Mikaia kely, niteny an'ilay zavatra mitovy, hoe ahoana no hahafahany hitahy izay nozonin'Andriamanitra? Hitanareo, ny—ny teniny, ny faminaniany, dia nirindra niaraka tamin'ny Teny.

¹⁶⁴ Heroda, tsy nibebaka mihitsy izy rehefa nilaza i Jaona hoe, “Tsy araka ny lalàna ny hakanao an’io, vadin’ny rahalahinao io!” Tsy nibebaka mihitsy izy. Fa inona no nataony? Nitaky ny lohan’ilay mpaminany ny vadiny. Jereo ilay loto izay nimirany. Jereo izay nitranga taminy. Jereo, na dia amin’izao andro izao aza, any Soisa, ireo—ireo rano manga an’ny fandavana Azy dia mbola mangotraka foana ho—ho fahatsiarovana iray. Hitanareo, azo antoka, tsy nibebaka izy rehefa nanarin’ny Tompo izy. Niteny taminy i Jaona, tsy nampaninona izay naaha-izy azy (mpanao lalàna iray, na inona izy na inona; na emperorana, na mety ho iza izy na iza), tsy maintsy mibebaka izy rehefa miantso Andriamanitra, raha tsy izany dia eo aminy ny fahatezerana!

¹⁶⁵ Impiry tao amin’ireo mpaminany... Nandray naoty aho eto, saingy tsy hanam-potoana isika satria eo amin’ny folo minitrasa sisà no ananako.

¹⁶⁶ Raha tsy misy fibebahana, amin’izay fotoana izay dia azo antoka fa ho tonga ny fitsarana! Nibebaka i Hezekia. Hitanareo? Nibebaka i Ninive.

¹⁶⁷ I Ahaba dia tsy nibebaka mihitsy. I Nebokadnezara dia tsy nibebaka mihitsy. Ireo olona tamin’ny andron’i Noa dia tsy nibebaka mihitsy, ary namely tao avy hatrany ny fitsarana. Hitanareo? Ankehitriny, fa mampitandrina ny olona rehetra aloha Izy. Ny olona rehetra dia mahazo fampitandremana iray.

¹⁶⁸ Ankehitriny, eo am-pahitana fa antomotra ny andro, dia aoka ny olona tsirairay izay mahatsapa fa misy fampitandremana iray, hibebaka haingana mialohan’ny hidonan’ny fahatezeran’Andriamanitra.

¹⁶⁹ Ankehitriny ndao isika hitondra an’izany ao amin’ny Branham Tabernacle. Hitanareo, efa nahita an’ireo zavatra ireo isika ary mahafantatra azy ireny ho ny Fahamarinana. Fantatsika fa Izany tokoa no tena Fahamarinana. Ny fanirahan’ny Teny dia, “Raha hibebaka ianareo ka hatao batisa amin’ny Anaran’i Jesosy Kristy ho famelana ny fahotanareo, dia handray ny fanomezan’ny Fanahy Masina ianareo. Fa ny teny fikasana dia ho an’ny zanakareo sy ireo izay lavitra.” Hitanareo?

¹⁷⁰ Ankehitriny, lehilahy iray, Atoa. Dauch, dia nanontany ahy teto vao tsy ela akory izay, hoy izy hoe, “Rahalahy Branham, miha-antitra aho. Miha-malemy aho, iraika amby sivifolo taona.” Hoy izy hoe, “Ianao ve—ianao ve mihevitra fa izaho dia—

izaho dia vonona ny ho faty? Ianao ve dia mihevitra fa vonona ny handeha aho? Ianao ve dia mihevitra fa efa voavonjy aho?”

¹⁷¹ Hoy aho hoe, “Atoa. Dauch, ianao ve efa mba nandeha tany amin’ny—ny dokotera ho an’ny fizaham-pahasalamana iray?”

Hoy izy hoe, “Eny.”

¹⁷² “Ary niteny taminy ianao... Ankehitriny, inona no ataon’ilay dokotera, maka boky anankiray izy izay mipetraka eo, ary alainy io boky io dia mahita izy. ‘Ankehitriny, ny zavatra voalohany tokony hataoko amin’ity lehilahy ity, dia ny mizaha ny fony.’ Noho izany dia maka fitsapana fo iray izy ary mametraka azy ireo eo amin’ny sofiny, mizaha ny fony.” Dia hoy aho hoe, “Avy eo, ny zavatra manaraka ataony, dia mijery ny tosi-dràny izy, miaraka amin’ny—miaraka amin’ny fitsofana iray eny antsandriny. Ny zavatra manaraka ataony, dia maka santionan’ny pipiany izy, sy inona koa, ary rà kely avy ao aminy, sy ireo zavatra samihafa ireo. Mandinika an’izany rehetra izany izy, ary raha tsy afaka mahita na inona na inona izy... Maka rayon-X. Raha tsy afaka mahita na inona na inona izy, dia hilaza izy hoe, ‘Atoa. Dauch, ianao dia—ianaو dia tena tsara ara-batana.’

¹⁷³ “Eo amin’ny inona no ifotorany? Eo amin’ireo fepetra avy ao amin’ny bokiny ara-pahasalamana, ka raha misy zavatra tsy mety arak’ilay lehiben’ny siantifika dia hasehony eto izany, izany dia hanao an’ity eto, izany dia hanao an’itsy etsy. Noho izany, arak’izay mety hahafantarany zavatra mikasika an’izany, dia tena tsara ianareo, hitanareo, ara-batana.

¹⁷⁴ “Ankehitriny,” hoy aho hoe, “amin’ity fisehon-javatra ity, izaho—izaho dia hanao fizahana iray an’ny fanahy ho an’izany. Hitanareo? Ary Andriamanitra, ho an’ilay fanahy, dia manana Fitaovana anankiray fotsiny ihany, marina izany, izany dia ny Teniny. Izany dia ny Teniny. Ary Jesosy no nilaza, ao amin’ny Masindahy Jaona 5:24 hoe, ‘Izay mandre ny Teniko.’ Ankehitriny, io *mandre* io dia tsy midika hoe mihaino feo iray fotsiny. Io *mandre* io dia midika hoe ‘mandray Azy.’ ‘Izay afaka mandray ny Teniko,’ amena, ‘izay mandre Azy!’ (Tsy mipetraka tsara, miantso Azy ho fahadalana, ‘Ireo zavatra ireo, tsy misy na inona na inona ao amin’Izany. Tsy mino an’Izany aho.’) ‘Izay mandre ny Teniko!’ Ah-hah. Izany no Tenin’i Jesosy, fa, Izay no Teny. Eo ianareo izao. ‘Raha mety handre ny Teniko ianareo,’ hoy Izy, ‘ka mino Izay naniraka Ahy, dia efa tafafindra avy tao amin’ny fahafatesana ho amin’ny Fiainana izy; ary tsy ho tonga akory eo amin’ny Fitsarana aza, fa efa tafafindra avy tao amin’izany.’ Amena!” Hoy aho hoe, “Ahoana no fidoboky ny fonao ankehitriny?”

Hoy izy hoe, “Mino an’Izany aho. Efa reko Izany. Efa noraisiko Izany.”

¹⁷⁵ Hoy aho hoe, “Noho izany arak’ilay Lehiben’ny Manampahaizana manokana, ilay Lehiben’ny Mpandidy, ilay

Lehiben'ny Dokoteran'ny Fiainana Mandrakizay no manao hoe, ‘Efa tafafindra avy tao amin’ny fahafatesana ho amin’ny Fiainana ianao ka tsy ho tonga eo amin’ny fanamelohana mihitsy.’”¹⁷⁶

¹⁷⁶ Hoy izy, “Rehefa nandre anao nitory ny amin’ny batisan’ny rano amin’ny Anaran’i Jesosy Kristy aho, dia nandeha avy hatrany taorianao aho ary ianao no nanao batisa ahy.” Hoy izy, “Izaho... Ilay olona naha-izaho ahy fahiny, dia tsy izany olona izany intsony aho. Nisy zavatra nitranga tamiko. Tsy niraharaha na inona na inona nikasika an’Izany aho taloha ary nanohy tamin’ny lèlana hafa, saingy nitodika aho ka nanomboka niverina tamin’ity lèlana ity. Ary mirehitra andro aman’alina ny foko mba hanakaiky kokoa Azy. Ny Teny tsirairay amin’Izany, dia inoako! Izaho dia manao, ‘Amena!’ amin’ny kely rehetra amin’Izany. Tsy ahoako na toy ny ahoana aza no amelezan’Izany ahy, te-ho arak’izay ilain’Izany mihitsy aho. Ary manao arak’izay fantatro aho.”

¹⁷⁷ Hoy aho hoe, “Toa tahaka ny mitempo tsara ny fonao amiko. Izaho—izaho dia mino fa mahavita ara-panahy ianao ankehitriny.”

¹⁷⁸ Hoy izy hoe, “Manontany tena aho raha ho tonga ny Fampakarana, afaka ny hiditra ao amin’izany ve aho, Rahalahy Branham?”

Hoy aho hoe, “Tsy ahy ny hilaza hoe iza no hiditra ary iza no tsy hiditra.”

¹⁷⁹ Hoy izy hoe, “Eny, tiako ny ho velona, izaho dia maniry—izaho dia maniry mafy ny hahita ny Fampakarana.”

¹⁸⁰ Hoy aho hoe, “Eny àry, mamelà ahy hahita hoe inona no—no lazain’ilay Bokin’ny Siansa eto, ny amin’izany, sy ny siansan’ny fanahy eto.” Hoy aho hoe, “Eny, izao no lazain’Izany, ao amin’ny Tesaloniana Faharoa, ny toko faha-5, hoy Izany hoe, ‘Isika izay velona ka mitoetra amin’ny Fihavian’ny Tompo dia tsy hisakana’ (ny dikan’izany dia hoe ‘hialoha’) ‘an’ireo izay miala sasatra, nodimandry. Fa ho tsofina ny trompetran’Andriamanitra, ary ireo izay nodimandry na niala sasatra no hifoha aloha, hitafy ny tsy mety maty. Avy eo isika izay velona amin’izany andro izany, amin’izany fotoana izany rehefa avy nitsangana izy ireo, hitanareo, amin’izay fotoana izay isika dia hovàna ao anatin’ny fotoana vitsy, indray mipy-maso, ka hihaona amin’izy ireo; ary avy eo dia hiakatra hihaona amin’ny Tompo eny amin’ny habakabaka, hakarina miaraka amin’izy ireo.’ Na matory ianareo, na tsy matory ianareo, na izany ianareo na tsy izany ianareo; na nalevina ianareo, raha tsy nalevina mihitsy akory aza ianareo, dia ho tonga ianareo na ahoana na ahoana! Tsy misy na inona na inona afaka hihazona anareo. Ho any ianareo!” Hoy aho hoe, “Rahalahy Dauch, raha tsy tonga amin’ny andron’ny zafin’ny-zafin’ny-zafin’ny-zafikeliko aza Jesosy,

dia mbola ho any foana ianao amin'ny fotoana iray marina mihitsy, ary ho any tokoa mialohan'ny hiovan'izy ireo mihitsy aza, raha ho lasa izy ireo." Marina izany. Amena!

¹⁸¹ Misy fitahiana iray ho avy tena tahaka ny fision'ny fahatezerana iray ho avy mihitsy. Oh, tsy maintsy miandry ny anankiray amin'izany isika izao hariva izao. Na ianareo tsy maintsy miandry ny fahatezerana hilatsaka aminareo sy ho an'ny fandravana, na ianareo tsy maintsy miandry ny fitsanganan'ny Tompo Jesosy. Ilay Andriamanitra iray ihany izay nampanantena ny anankiray, namp-... Tena faly aho!

Miandry ny fihavian'ilay andron'ny Arivo taona mahafaly aho,
Rehefa ho avy ny Tompontsika finaritra ka haka ny Ampakariny izay miandry;
Oh! misento sy mitoloko an'izany andron'ny fanafahana mamy izany ny foko,
Rehefa hiverina indray eto an-tany ny Jesosintsika.

Amin'izany fotoana izany ny ota sy ny alahelo, ny fanaintainana sy ny fahafatesan'ity izao tontolo izao maizina ity dia hitsahatra,
Ao amin'io fanjakana be voninahitra miaraka amin'i Jesosy io an'ny arivo taonan'ny fiadanana; (Oh, oadray! "Ary hiaraka amin'ny Tompo mandrakizay." Hitanareo?)

¹⁸² Izay nolazain'Andriamanitra, dia tsy maintsy miseho izany. "Hanorina trano izy ireo, fa tsy hitoeran'izy ireo izany. Hamboly voaloboka izy ireo fa tsy hihinana ny vokatr'izany izy ireo. Tsy hamboly izy ireo ka ny hafa no handova an'izany. Hamboly ny voalobok'izy ireo manokana izy ireo ary hijanona amin'izany." Amena! Amena! "Tsy hanao ratsy na handrava eo amin'ny Tendrombohitro masina izy ireo." Haleloia!

¹⁸³ Rehefa mitafy ny tsy mety maty ity mety maty ity, ity—ity fahafatesana ity dia hatelin'ny fandresena, amin'izay fotoana izay dia hahita Azy isika amin'ny maha-izy Azy ary hanana vatana tahaka ny Vatany Manokana be voninahitra. Oh, andro ho avy toy ny inona!

¹⁸⁴ Ilay Andriamanitra iray ihany ary ilay mpaminany iray ihany izay nilaza mialoha ny Tenin'Andriamanitra, na ny fahatezerana izay hiraraka, miraraka, no niteny ihany koa an'ireo fitahiana ho avy. Tena faly aho! Andriamanitra dia tsy manome mihitsy ho an'ny—ny firenena iray ny—ny fandravana raha tsy mampitandrina azy. Tsy manome ho an'ny olona iray ny fandravana mihitsy Izy raha tsy mampitandrina azy. Ary ankehitriny raha manao an'izany Izy, dia manana zavatra izay mitranga amintsika isika, ilay fanamarinana an'ireo famantaran'ny andro farany miaraka amintsika, ilay

Fanahy Masina lehibe mihetsika eo anivontsika ary mameo ny fiangonana amin'ny Fanatrehany, manamarina ny Teniny. Amin'izay fotoana izay ilay Fiangonana dia vonona ny hianika ho eny amin'ny lanitra indray andro any, amin'ny alàlan'ny herin'Andriamanitra. Satria izany dia fampitandremana iray mba hanesorana ny mitambesatra rehetra sy ny fahotana izay malaky mahazo antsika, mba hahafahantsika mihazakazaka amin'ny faharetana an'ilay hazakazaka izay mipetraka eo anoloantsika, ho any amin'ilay Mpanao sy Mpanefa ny Finoantsika.

¹⁸⁵ Andriamanitra hitahy anareo, ry fiangonana! Hazony ny tangan'Andriamanitra tsy miova! Eny, tompoko. Raha mahatsapa ny Fanatrehany ianareo, dia manatona Azy. Raha misy zavatra tsy mety ao am-ponareo, ahitsaho izany. Tsy manana fotoana betsaka tavela isika, antomotra ny Fihavian'ny Tompo. Mino Azy ve ianareo? Oh, oadray! Tsy hahafinaritra ve ny any? Fotoana toy ny inona, rehefa hahita an'ireo mpiady trrainainy aho any mandeha manerana an'ilay Paradisa! Oh, oadray! Miandry an'izany ora izany aho.

¹⁸⁶ Tsaroako aho nandre ny rahalahiko nilaza, rehefa niverina avy nitety ny ranomasina izy, avy any amin'ireo sahan'ady fahiny sy ny sisa, nanao hoe, "Ireo mpiady trrainainy ireo, rehefa tonga teo anoloan'ilay Statue of Liberty izy ireo, dia nanosika an'ireo kilemaina mba hahafahan'izy ireo mahita ny Statue of Liberty." Izany no hitanareo voalohany, teo amin'ny sambo iray, rehefa nanatona ianareo, satria tena avo izany. "Ary mahita an'ilay sandry, nitsangana teo," hoy izy, "ireo lehilahy ireo dia torotoro mihitsy ary nitomany. Ary nijoro teo fotsiny ireo lehilahy matanjaka ireo, ary nilofika fotsiny teo amin'ilay tetezana ka nanomboka nitomany." Inona izany? Famantarana ny fahafahana iray. Ny zavatra rehetra izay hany tian'izy ireo dia nipetraka mihitsy taorian'io famantarana teo io.

¹⁸⁷ Oh, fa hanao ahoana kosa rehefa handre an'ilay sambo trrainai'i Ziona haneno aho amin'izany maraina izany ka hahita an'ireo faneva hikopakopaka! Rehefa mifarana ny ady ary azo ny fandresena, haleloia! Ary ho any an-Trano isika, rehefa ny fahafatesana, ny ota sy ny helo dia resy; ary tsy hisy ota intsony, tsy hisy fahafatesana intsony, tsy hisy alahelo intsony. Afaka handre an'ilay sioka maneno aho! Oh, manakaiky an'ilay Tanàna isika. Eny, tompoko. Ho tonga ireo alon-drano, hiditra ao amin'ny toerany ilay sambo trrainainy. Andriamanitra, ampio izahay mba hiaina ho an'izany ora izany!

¹⁸⁸ Tompo Jesosy, izahay dia olona izay—izay miezaka ny tsara indrindra aminay, miaraka amin'izay rehetra ao anatinay, mba handeha ao amin'ny Hazavan'ny filazantsaran'ny Filazantsarao lehibe izay Nahafatesanao mba hanao ny tsara. Tena mankasitraka izahay ny mahita, ao amin'ity andro maizina ratsy izay iainanay ankehitriny ity ao amin'izao

ora izao, mba hahitanay an'ireo famantarana miseho. O Andriamanitra, satria sora-tànana eo amin'ny rindrina izany, dia misaotra Anao izahay, Tompo, fa afaka mahita an'izany izahay ary mahafantatra fa tena antomotra ny fanafahana. Mitory teny izahay, mitety ny firenena izahay, mahita Anao manao an'ireo famantarana lehibe izahay, maneho ny Tenanao isan'andro, isan-taona. Tsy nisy taona iray mandalo ka tsy nandonan'ilay (lehibe) Famantarany Ivelan'ny voajanahary ny tany. Ary hitanay izany, mahafantatra fa mamindra ilay tafik'Andriamanitra lehibe.

¹⁸⁹ Oh, tsy ao anatin'ny maro an'isa akory, nefà vondrona mahery toy ny inona ilay manana ny Fiainana Mandrakizay! Voalaza hoe, "Hihazakazaka eo amin'ny andiany iray izy ireo ary hihoaatra ny rindrina." Eny, ilay "andiany" an'ny fahafatesana dia tsy hanana fihazonana an'izany, hihazakazaka eo amin'izany Izzy. Hihoaatra an'ilay "rindrina" manelanelana ny ara-nofo sy ny Ivelan'ny voajanahary, ary miditra ao amin'ireo tafik'Andriamanitra, ao amin'ilay Mandrakizay lehibe. Tompo Andriamanitra, misaotra Anao izahay ny amin'izany. Fantatray fa manakaiky ilay fotoana izay antomotra.

¹⁹⁰ Mivavaka aho, Andriamanitra, mba izao hariva izao raha misy sasany eto izay tsy mahafantatra Anao, izay tsy mbola nanao ny fandaminany mihitsy... Ary angamba izao hariva izao, raha teo am-pitenenana izahay, dia Feo kely iray no niteny tao am-pon'izy ireo hoe, "Mahatsapa fampitandremana iray aho hoe izaho dia tsy tokony ho ela be intsony." O Andriamanitra, enga anie izy ireo handamina ny ankohonany, izao ankehitriny izao. Enga anie ho voalamina ny zavatra rehetra. Enga anie ilay hatsiatsiaka... Kristiana angamba izy ireo, saingy izy ireo dia tsy manana fotosiny... Niaina teo ambanin'izany naharitra ela izy ireo ary nahita zavatra maro, izy ireo—izy ireo dia nanary ny vidin'Izany fotosiny. Izany dia... Ireo zavatra, noraisin'izy ireo tamim-pahamaivanana izany raha tokony ho tena lalina ary tamin'ny fahatsoram-po.

¹⁹¹ O Andriamanitra, avelao izahay handinika izao hariva izao, ekeo izany, mahafantatra fa ireo zavatra lehibe ireo dia mampitandrina anay fotosiny ny amin'ilay fampakarana ny Fianganana tsy ho ela. Ary raha mavesatry ny fahotana izahay, amin'ny tsy finoana, ary amin'ny hakamoana, dia tsy ho ao amin'izany Fampakarana izany izahay. Fantatray izany, Tompo, noho izany dia mivavaka izahay mba Hampirehetanao ny Fanahy Masina ao anatinay, ao anatin'ny fonay. O Andriamanitra, apetraho eo amin'ny afo miaraka amin'ny Fitahianao ny fanahinay. Ampio izahay mba hahazo.

¹⁹² Ankehitriny, tahio ny olona rehetra. Tahio ny pasiteranay sarobidy sy ny vadiny. Tahio ireo diakona, ireo mpandrahahara, ny mpivavaka rehetra, miaraka. Mamelà ny fahotanay. Sitrano ny aretinay, Tompo. Ary areheto ny fonay. Ary enga anie

izahay hiala eto amin'ity toerana ity miaraka amin'ny hafatry ny fampitandremana iray, raha mihaona amin'ny olona ao anatin'ny ota izahay, ka hiteny amin'izy ireo hoe, "Ry sakaiza, tsy menatra ve ianao manao zavatra tahaka an'izao, mahafantatra fa tsy maintsy hihaona amin'Andriamanitra ianao indray andro any?" Ekeo izany, Tompo. Apetrako Aminao izy ireo, ankehitriny; mametrakta ny Hafatra, sy ny rehetra miaraka, mba hiara-hiasa ho an'ny Voninahitrap. Amin'ny Anaran'i Jesosy Kristy. Amena.

Tiako Izy, tiako Izy
 Satria nitia ahy mialoha Izy
 Ka nividy ny famonjeko
 Teo amin'ny hazon'i Kalvary.

¹⁹³ Tsy tianareo ve Izy? Eritrero ny amintsika. Jereo hoe aiza ho aiza amin'ilay lâlana isika, ry sakaiza. Mijere fotsiny any amin'ilay lâlana any aoriana manomboka hatrany lavitra, tamin'ireo andron'i Lotera sy Wesley, manerana an'ireo taona. Jereo eto hoe aiza no misy antsika: eto amin'ny tampon'ilay piramida eto mihitsy; eto amin'izay nanaporofoin'Andriamanitra azy mihitsy, ka ny Baiboly tamin'ny alâlan'ireo tombokase fito dia voambara tanteraka mihitsy; miandry fotsiny ankehitriny an'ireo zava-miafina fito amin'ny farany mihitsy, eo amin'ny Fihavian'ny Tompo sy ny Fampakarana ny Fianganana izay mety hitranga alohan'ny maraina. Oh, oadray!

Tiako Izy, (amin'ny fahatsoram-po ankehitriny)
 tiako Izy
 Satria nitia ahy mialoha Izy
 Ka nividy ny famonjeko
 Teo amin'ny hazon'i Kalvary.

¹⁹⁴ Raha moramora isika ankehitriny... Fantatrareo ve fa ny tsirairay avy amintsika ato dia tsy maintsy hiala eto, hiala amin'ity izao tontolo izao ity? Fantatrareo ve fa ny olona izay natera-behivavy dia vitsy andro sy feno fahorian? Efa fantatrareo ve fa satria teraka avy tao amin'ilay hazo tao amin'ny Sahan'i Edena isika, an'ny fahafatesana, ka tsy maintsy ho faty isika? Isika dia vokatry ny kibon'ny renintsika, ary tsy maintsy maty isika, tsy maintsy misaraka amin'ity fiafina ity isika. Tanora na antitra, tsy misy fahasamihafana izany. Raha ny lehilahy antitra indrindra na ny vehivavy eto no velona hatramin'ny alina, izy ve dia hahari-miaina na izy ve dia hahari-miaina amin'ny ankizy maro folo-, dimy ambin'ny folo taona? An-jatony amin'izy ireny no ho faty manerana an'izao tontolo izao alohan'ny maraina, ireo ankizy. Koa ny amin'io rehetra io, dia, inona no ataonareo izao ankehitriny izao?

¹⁹⁵ Izao no mety ho fanararaotranareo farany. Tanora na antitra, dia afaka mandeha any am-piangonana ianareo. Aza mamela

zavatra anankiray tsy ho vita. Aoka ho tena lalina sy tso-po. Esory ny fahotana sy ny zavatra rehetra. Mandehana mahitsy eo anatrehan'Andriamanitra ary mameatraha fanontaniana hoe, "Tompo, mahafaly Anao ve aho? Inona koa no mbola azoko hatao, Tompo Jesosy? Tsy hanana fanararaotra intsony mihitsy aho, rehefa hifarana ity fiainana ity, mba hanompoana Anao. Izao ihany no fotoana ananako. Tompo Andriamanitra, avelao fotsiny aho hahafantatra an'izay Tianao hatao! Raha tokony handeha hanao an'ity aho na tokony hanao an'itsy aho, dia hataoko am-pifaliana izany."

¹⁹⁶ Isika ve—isika ve mba mieritreritra an'izany amin'ny fahatsoram-po? Mba mieritreritra an'izany ve ireo ankizy kely? Mba mieritreritra an'izany ve ireo taona antenantenany? Mba mieritreritra an'izany ve ireo olona antitra? Mba mieritreritra an'izany ve ireo adolantsento? Isika dia tsy maintsy mandeha, ary ahoana no hahafantaranareo fa isika rehetra dia tsy ho lasa alohan'ny maraina? Tsy fantatsika izany. Hoy ianareo hoe, "Mampatahotra ahy izany." Tsy tokony izany! Am-pahatsorana, tokony hanao anareo ho tena sambatra indrindra ny mahafantatra fa handao an'ity trano ratsy feno pesty ity ianareo.

¹⁹⁷ Misy ny tontolo iray hafa. Tsy mila miala lavitra ianareo. Miaraka aminareo mihitsy izany. Manodidina anareo eo mihitsy izany. Ianareo fotsiny...ianareo...Manome anareo taovam-panamboloana dimy fotsiny Andriamanitra, ary izany dia hifandraisana betsaka amin'ity, ity izao tontolo izao ity. Fa misy tontolo iray hafa izay tsy anananareo taovam-panamboloana hifandraisana, tsy afaka mifandray amin'izany ianareo satria tsy anananareo izany.

¹⁹⁸ Ohatra, nilaza aho, tamin'ny Alahady hariva, (angamba tsy azonareo ilay izy) fa...isika dia manana taovam-panamboloana dimy: fahitana, fanandramana, fitsapana, fanamboloana, ary fandrenesana. Fa ahoana moa raha tsy nanana ny fijerena ianareo (nanana fotsiny ny fanandramana ianareo, ny fitsapana, ny fanamboloana, ary ny fandrenesana), ary misy olona iray izay nahazo ny fahitany ka nanao hoe, "Misy tontolo iray hafa, ny masoandro"? Ireo—ireo fahatsapana ireo, midona amin'ny zavatra maro ianareo, ary izany no afaka milaza aminareo hoe inona ilay izy. Nahoana, hihevitra ianareo fa adala ilay olona, satria ianareo dia tsy manana an'io—io taovam-panamboloan'ny—ny fahitana io. Tsy nisy olona nanana an'izany, izay fantatrareo. Efa nandre avy amin'olona ianareo izay nilaza zavatra tahaka an'izany, saingy nisalasala ny amin'izany ianareo. Fa isika dia mahafantatra amin'ny alàlan'io taovam-panamboloana io fa tena misy ilay izy. Tena toerana misy izany. Hitanareo? Izany—izany—izany—izany dia toerana iray izay ny...azonareo jerena. Ireo taovam-panamboloanareo no manambara an'izany.

¹⁹⁹ Ankehitriny, ny zavatra tokana izay ataonareo fotsiny rehefa maty ianareo, dia manova fotsiny an'ireo taovam-panamboloana ireo ianareo (Voninahitra! Fiooo!), mandray taovam-panamboloana iray hafa ianareo. Ary velona miaraka amin'ny taovam-panabolona iray avo ianareo, avo arivo heny noho ity, ao amin'ny fiainana iray hafa; fiainana iray izay tsy misy fahafatesana intsony, izay tsy misy alahelo intsony. Ary ireo zavatra izay tsy fantatrareo na inona na inona mikasika azy ankehitriny, dia hitanareo mazava rehefa miampita any ianareo. Tsy azonareo ilay izy ankehitriny satria midona amin'izany ianareo, tsy manana an'io taovam-panamboloana io ianareo. Hoy ianareo hoe, "Izaho—izaho dia mahatsapa fihetseham-po hafahafa iray eto izao hariva izao. Izany amiko dia toy ny hoe misy... Te-hiantsoantso fotsiny aho, na hikiakiaka, na zavatra tahaka an'izany." Izany no Anjelin'ny Tompo. Hitanareo?

²⁰⁰ Tahaka ny lazain'ny olona iray, fantatrareo, izay tsy nanana ny taovam-panamboloan'ny fahitana, manao hoe, "Matetika aho dia mahatsapa zavatra iray tena misy, toy ny fahatsapana sahala amin'ny hafanana."

Hoy ianareo hoe, "Ny hazavan'ny masoandro izany."

²⁰¹ "Inona ny fahazavan'ny masoandro? Tsy mbola nahita an'izany mihitsy aho." "Tsy misy ny..." Hitanareo, tsy mbola nahita mihitsy izy, tsy mahafantatra hoe inona izany. Hitanareo, olona iray no tsy maintsy miteny aminy, olona iray izay afaka mahita an'izany. Oh, oadray! Hitanareo?

²⁰² Miova fotsiny isika. Miova fotsiny isika, aza matahotra ny fahafatesana. Ny fahafatesana dia tsy inona fa kalokalom-borona fotsiny. Efa noresen'i Jesosy izany. Rehefa tonga teo amin'ny farany mihitsy aza i Paoly, dia hoy izy hoe, "Ry fahafatesana, aiza ny fanindronanana? Aiza ny fampitahoranao? Ry fasana, aiza ny fandresenao? Ianao ve dia milaza fa nahazo ahy? Izaho—izaho te-hanondro anao indray ny any Jerosalema any. Misy fasana iray foana any ary 'Izaho Ilay nandresy anareo roa, ny fahafatesana sy ny helo,' ary ao Aminy aho ka tsy afaka mihazona ahy ianao! Hitsangana indray aho." Oh, oadray! Hoy izy hoe, "Misy satroboninahitra iray ho ahy mipetraka any, izay ny Tompo, ilay Mpitsara marina, no hanome ahy; ary tsy izaho ihany, fa ireo rehetra izay *tia* ny Fisehoany koa."

²⁰³ Tia Azy ianareo. Te-hahita Azy ho tonga ianareo. Miandry Azy ianareo. Tantara lava izany, izany dia—izany dia fiandrasana lava. Izany dia resa-pitiavana. Saingy tsy mahandry fotsiny ianareo mandra-pahitanareo Azy! Oh, oadray! Izany ilay izy. Oh, izany ilay fotoana izay andrasantsika, izany ilay ora! Raha ny fonareo no tsy tahaka—tahaka—tahaka an'izany izao hariva izao, ry sakaiza, dia mitandrema. Hitanareo? Mitandrema. Aza avela hamitaka anareo ilay fahavalao. Rehefa te-haka ny Fanidinany ho any amin'ilay Mpanao Azy ny Fanahy

Masina, ho any amin'ilay Tompony, dia misy resa-pitiavana iray ao izay tsy hain'iza na iza lazaina ny mikasika an'izany. Marina izany, tena misy izany. Tena misy izany.

²⁰⁴ Noho izany raha misy fampitandremana iray, manao hoe, "Tsy vonona ho an'izany ianao," amin'izay fotoana izay dia tsarovy, fa mety efa eo am-panaovana anareo ho vonona ho an'ny zavatra anankiray izay Andriamanitra. Hitanareo? Tsy vonona ianareo . . .

²⁰⁵ Hoy ianareo hoe, "Eny, rehefa vita batisa aho, ny Fanahy Masina, amin'izay fotoana izay, eny, dia haka ahy angamba ny Tompo?" Tsia, tsy izany ihany, vao eo am-pahavonona ny ho velona fotsiny ianareo amin'izay fotoana izay. Ianareo—ianareo dia tsy vonona ny ho velona mandra-pahazoanareo ny Fanahy Masina, ary amin'izay fotoana izay rehefa mahazo ny Fanahy Masina ianareo dia mendrika ny ho velona ianareo amin'izay fotoana izay. Tsy mendrika ny ho velona ianareo mialohan'izany, hitanareo, fa ankehitriny dia mendrika ny ho velona fotsiny ianareo rehefa avy nahazo ny Fanahy Masina. Hitanareo? Manao anareo ho vonona fotsiny. Hitanareo?

²⁰⁶ Hoy ny olona hoe, "Eny, tokony ho vonona ny ho faty aho." Oh, oadray, izaho dia vonona ny ho velona! Amena. Ny zavatra amin'ilay izy, dia vonona ny ho velona, velona ao amin'i Kristy! Fiainam-pandresena eo amin'ny fahotana, ny fahafatesana, ny helo, efa azoko ny fandresena. Izay no Fandreseko ary izaho no Porofony, ary izaho dia porofo iray an'ny Fandreseny. Amena! Izay ilay izy.

²⁰⁷ "Ahoana no ahafantaranao fa azonao Izany?" Azoko Izany. Amena. Nomeny ahy tamin'ny alàlan'ny Fahasoavany Izany. Tsapako Izany. Fantatro Izany. Hitako Izany miasa eo amin'ny fiainako. Izany no nanova ahy. Ary araka an'ity Boky eto ity, dia Izay no nilaza fa nanana ny Fiainana Mandrakizay aho ary tsy ho afaka handeha ho any amin'ny Fitsarana, fa efa tafafindra avy tao amin'ny fahafatesana ho amin'ny Fiainana aho satria Izay no nandray ny fitsarana ho ahy. Ary raha Izay no efa nandoa ny vidiny, dia aza miezaka ny hitondra ahy ho any amin'ny Fitsarana mihitsy. Izay no efa nanao an'izany ho ahy, ary manaiky an'izany aho. Eny, tompoko.

²⁰⁸ Noho izany dia tsy misy fitsarana intsony. Tsy misy intsony—intsony ny fahafatesana. Oh, tsy maintsy handao ny fiangonana aho ary handao ny olona indray andro any, saingy izany . . . raha maharitra Jesosy. Ary raha mitranga izany, nahoana, oadray, tsy ho faty aho. Tsy mety maty aho, manana ny Fiainana Mandrakizay aho. Ahoana no hahafahanareo ho faty miaraka amin'ny Fiainana Mandrakizay? Hitanareo? Eo amin'ny Fanatrehan'Andriamanitra foana ary hiaraka Aminy mandrakizay! Amena! Mampientantana ny

foko izany, oadray, manao ahy te-hanomboka hitory teny indray. Hitanareo? Marina izany. Oh, Mahafinaritra Izy!

Tsy mahafinaritra ve Izy, mahafinaritra,
mahafinaritra?

Tsy mahafinaritra ve Jesosy Tompoko?

Ny maso no nahita, ny sofina no nandre, an'izay
voarakitra ao amin'ny Tenin'Andriamanitra;

Tsy mahafinaritra ve Jesosy Tompoko?

Tiako izany fanambarana izany.

Ny maso no nahita, ny sofina no nandre, an'izay
voarakitra ao amin'ny Tenin'Andriamanitra;

Tsy mahafinaritra ve Jesosy Tompontsika?

²⁰⁹ Oh, tiako Izy! Izy no Fiadanako, Fiaianako, ny—ny Fanantenako, Mpanjakako, Andriamanitro, Mpamponjiko, ny... (Oh, oadray!) Raiko, Reniko, Anabaviko, Rahalahiko, Sakaizako, zava-drehetrako! Hitanareo? Nihira hira kely iray tahaka an'izany isika taloha. Fantatrareo, efa mba anananareo rehetra ve ireny hira kely Pentekotista ireny toy ny hoe... Antenaiko fa najanon'izy ireo ilay fandraisam-peo, hitanareo. Ilay hira izay nihiraintsika taloha:

Izy no raiko, reniko, anabaviko ary rahalahiko,
Izy no zava-drehetra amiko.

Izy no zava-drehetra, Izy no zava-drehetra amiko;
Izy no zava-drehetra, Izy no zava-drehetra amiko;
Satria Izy no raiko, reniko, anabaviko ary
rahalahiko,
Izy no zava-drehetra amiko.

²¹⁰ Tsaroanareo ve raha nihira an'izany isika taloha? Ny tsirairay aminareo ve mahatsiaro an'izany? Oadray, taona maro lasa! Ary avy eo isika taloha dia nanao hoe:

Fantattro fa ny Rà, fantattro fa ny Rà,
Fantattro fa ny Rà dia ho ahy;
Indray andro raha very aho, dia maty teo amin'ny
Hazo fijaliana Izy,
Ka fantattro fa ny Rà dia ho ahy.

²¹¹ Tsaroanareo ve izany hira kely izany? Ndao jerentsika, inona ilay anankiray hafa izay nohiraintsika? Ndao jerentsika.

Oh, tsy hiari-tory miaraka amiko ora iray ve ianao,
Raha handeha ho ery aho, raha handeha ho ery
aho?

Oh, tsy hiari-tory miaraka amiko ora iray ve ianao,
Raha handeha ho ery aho ka hivavaka?

Mandresy aho, mandresy aho,
Mandresy aho, mandresy aho;
Satria tiako Jesosy, Izy no Mpamponjiko,
Ary mitsiky Izy sady tia ahy koa Izy.

²¹² Taloha dia nisy an-dRahalahy Smith, rahalahy mainty hoditra iray, taloha izy dia teto teny amin'ny zoron-trano. Oh! efa nandre an'ireo olona mainty hoditra aho tany, nипетрака fotsiny teo aho ary nikiakiaka sy nitomany sy ny sisa hafa, nanozongozona ny fiarako manontolo ary nitsambikina nanodidina an'ilay izy tahaka an'izany. Izy rehetra nitehaka ny tànany. [Mitehaka ny tànany Rahalahy Branham rehefa nihira—Mpand.]

Oh, tsy hiari-tory miaraka...

Ilay bàн-kira kely ananan'ireo olona mainty hoditra, fantatrareo. Tsy misy olona mahay mihira tahaka azy ireo; mety adinonareo koa ilay izy. Hitanareo?

...ora iray,

Raha handeha ery aho,...

²¹³ Oh, oadray! Nipetraka teo aho, hoy aho hoe, “O Andriamanitra!” Ity tovolahy antitra kely ity, teo amin’ny roapolo taona teo, nandeha nihodina dia nihodina ny fiarako aho ary nikiakiaka fotsiny sy nivavaka tamin’Andriamanitra tahaka an’izany. Oh, fotoana iray toy ny inona! Izany dia tamin’ny fiandohana voalohany mihitsy, rehefa nihetsika fotsiny teo anivon’ny olona tahaka an’izany Andriamanitra. Ankehitriny dia tonga eo amin’ny Fiangonana matanjaka iray isika. Tsy maro an’isa akory, fa mahery ao amin’ny Fanahy. Amen. Mahafinaritra toy ny ahoana!

²¹⁴ Avy eo dia nisy hira kely iray taloha... Tsaroako ilay andro tany Chattanooga, Tennessee, rehefa izaho nihaona tamin’ity... Tsy Chattanooga, tany Memphis ilay izy, rehefa nihaona tamin’ity vehivavy kely mainty hoditra aho, fantatrareo, nitsangana teny ivelany. Efa nandre ahy nilaza mikasika an’izany ianareo, fantatrareo. Ny zanany dia tratry ny aretim-panahanhana. Arynofatorany nanodidina ny lohany ny lobak'ilay lehilahy, niankina teo amin'ilay dabilio tahaka an'izao. Ary ny Tompo no nampijanona an'ilay fiaramanidina tany ka tsy namela azy handeha, arak'izany, ary niteny tamiko izy ireo handeha haka... Ary hoy ny Fanahy Masina hoe, “Mananova dia kely ary mandehana amin’ity lâlana ity.”

²¹⁵ Ary lasa aho nandeha tany, nihira. Nieritreritra aho hoe, “Oadray, efa tokony ho vonona hiainga ny fiaramanidiko!”

²¹⁶ Niteny hatrany fotsiny hoe, “Mandrosoa. Manohiza mandeha. Manohiza mandeha.” Ilay ampahany voalohany amin’ny asam-panompoako.

²¹⁷ Ary njery aho, niankina teo amin'ilay fefy tany, ary nisy trano bongo kely iray, toerana kely iray teo. Nisy anabavy antitra iray nitsangana teo. Oh, izy dia... Tahaka ny anankiray amin’ireo anabavy eo amin’ny mofo mendin’i Aunt Jemima. Tava matavy be, fantatrareo, ary ny—ny volony, ny lobany dia nankany aoriana. Niankina teo amin'ilay vavahady tahaka

an'izao izy, ary izaho fotsiny... Izaho nihira an'ilay hira kely mikasika... kely... Inona ilay... Adinoko ny anaran'ilay hira izay nohiraiko. Ankehitriny, ilay izy dia zavatra mikasika—mikasika... Ilay izy dia hiram-pihikana Pentekotista kely, jobily kely iray.

²¹⁸ Ary nijanona tsy nihira fotsiny aho, tena nanakaiky aho. Ary nandalo aho. Ary nitsangana teo izy ary nikoriana teo amin'ireo tava matavy be ny ranomaso; te-hamihina azy aho. Hoy izy hoe, "Manao ahoana, pasitera!"

Hoy aho hoe, "Nenitoa, inona no nolazainao?"

Hoy izy hoe, "Hoy aho hoe, 'Manao ahoana, pasitera.'"

²¹⁹ Hoy aho hoe, "Ahoana no nahafantaranao fa pasitera aho?" Ankehitriny, ho an'ny olona any Atsimo, ny dikan'izany dia "mpitoriteny," fantatrareo. Hoy aho, "Ankehitriny, ahoana no nahafantaranao fa pasitera aho?"

Hoy izy hoe, "Fantattro fa ho tonga ianao."

²²⁰ Hoy aho hoe, "Fantatralo fa ho tonga aho?" Nieritreritra aho hoe, "Ah-oh, ity ilay izy, hitanao."

²²¹ Hoy izy hoe, "Eny, tompoko." Hoy izy, "Efa—efa mba novakianao ve ilay tantara ao amin'ny Baiboly, pasitera, mikasika an'ilay vehivavy Sonemita?"

Hoy aho hoe, "Eny, ry nenitoa, efa novakiako izany."

²²² Hoy izy hoe, "Izaho io karazam-behivavy io." Hoy izy hoe, "Fa nangataka tamin'ny Tompo aho mba hanome ahy zaza iray, izaho sy ny vadiko, ary izaho dia hitaiza azy ho Azy." Hoy izy, "Nanao Izy, nanome ahy an'ilay zaza Izy." Dia hoy izy, "Nitaiza azy aho, zazalahy mahafinaritra." Hoy izy, "Tratry ny namandratsy izy, pasitera. Tratry ny aretina ratsy izy," ary hoy izy, "mandry ao anatiny ao izy efa ho faty. Efa roa andro izao izy no efa ho faty ankehitriny. Tsy mahatsiaro tena akory aza izy nandritry ny roa andro. Teto ilay dokotera lahy ary nanao hoe, 'Tsy afaka ny ho velona izy,' hoy izy, 'ho faty izy.' Aretimpananahana ilay izy." Ary hoy izy—hoy izy, "Tsy ho tantiko ny hijery ny zanako ho faty, ary efa nivavaka aho ny alina manontolo." Ary hoy izy, "Hoy aho hoe, 'Tompo,' hoy izy, 'izaho dia vehivavy karazan'ilay vehivavy Sonemita, fa' hoy izy, 'aiza ilay Elisanao?'"

²²³ Dia hoy izy, "Nandeha natory aho ary nanonofynofy iray, hoe nitsangana teto amin'ity vavahady ity aho, ary nahita anao nandeha teo an-dàlambe niaraka tamin'ny satroka kely toy ny mipetraka eo amin'ny ilan'ny lohanao." Fa hoy izy, "Zavatra iray ihany no misy," hoy izy, "aiza ilay..." Hoy izy, "Ianao dia tokony nanana kitapo iray teny an-tànananao."

Hoy aho hoe, "Navelako fotsiny any amin'ny Peabody Hotel any ilay izy."

²²⁴ Hoy izy, "Fantatro fa tokony hanana kitapo iray ianao." Dia hoy izy hoe, "Ho faty ny zanako."

Hoy aho hoe, "Branham no anarako."

Hoy izy hoe, "Faly mahafantatra anao aho, Pasitera Branham."

²²⁵ Hoy aho hoe, "Mivavaka ho an'ny marary aho. Efa mba nandre ny asam-panompoako ve ianao?"

²²⁶ Hoy izy, "Tsia, tsy mino aho fa efa mba nandre." Hoy izy, "Tsy hiditra ve ianao?" Dia niditra aho.

²²⁷ Nandry teo tahaka an'izao ilay lehilahy lehibe. Niezaka niresaka taminy mikasika ny fanasitranana avy amin'Andriamanitra aho, saingy tsy izany no nahaliana azy. Naniry izy ny handre an'io zazalahy io hiteny fa izy dia "voavonjy sy vonona ny handeha." Ary nilaza izy...Ary namonjy azy Andriamanitra.

²²⁸ Ary teo amin'ny herintaona taty aoriana dia nahita azy aho tany toy ny mpitondra entana iray tao amin'ilay fiantsonana. Toy ny ahoana no fanaovan'ny Tompo zavatra!

²²⁹ Ary avy eo rehefa niverina aho, taorian'izany, izaho dia tokony...io fiaramanidina io dia tokony ho niainga tamin'ny fito ora, ary efa saiky tamin'ny sivy sy sasany tamin'izay. Ary naka taxi aho dia niverina. Ary vao niditra mihitsy aho, dia nolazaina ny hoe, "Antso farany ho an'ny sidina nomerao *izao-sy-izao*." Ny Tompo no nihazona an'io fiaramanidina io teo amin'ny tany teto rehefa nandeha aho ka nivavaka ho an'io zazalahy io. Hitanareo? Izay ilay izy.

²³⁰ Niezaka ny hieritreritra an'izany aho, hira kely iray, "*Isan'Izy Ireo*." Izay ilay izy. Oh, toy ny ahoana no nanaovantsika an'ilay faribolana teto taloha, ary nitehaka ny tànantsika. Hoy isika hoe:

Isan'izy ireo, isan'izy ireo,
Tena faly aho fa afaka miteny hoe isan'izy ireo aho;
(Haleloia!)

Isan'izy ireo, isan'izy ireo aho,
Tena faly aho fa afaka miteny hoe isan'izy ireo aho.

Niangona tao amin'ny efitra ambony izy ireo,
Izy rehetra nivavaka tamin'ny Anarany,
Vita batisan'ny Fanahy Masina izy ireo, Ary tonga
ny hery ho an'ny asa;
Ankehitriny izay Nataony ho azy ireo tamin'izany
andro izany
Dia Hataony ho anao ihany koa,
Tena faly aho fa afaka miteny hoe isan'izy ireo aho.

Isan'izy ireo, isan'izy ireo,
 Tena faly aho fa afaka miteny hoe isan'izy ireo aho;
 Isan'izy ireo, isan'izy ireo aho,
 Tena faly aho fa afaka miteny hoe isan'izy ireo aho.
 (Ianareeo ve?)

²³¹ Henoy ity andininy ity.

Na dia mety tsy nianatra aza ireo olona ireo,
 Na nihambo ho malazan'izao tontolo izao,
 Dia nandray ny Pentekostany izy rehetra,
 Vita batista tamin'ny Anaran'i Jesosy;
 Ary milaza izy ireo ankehitriny, tamin'ny lavany
 sy ny sakany,
 Fa tsy miova mihitsy ny Heriny,
 Ary tena faly aho fa afaka miteny hoe isan'izy ireo
 aho.

Oh, isan'izy ireo, isan'izy ireo aho,
 Tena faly aho fa afaka miteny hoe isan'izy ireo aho;
 Isan'izy ireo, oh, isan'izy ireo aho,
 Tena faly aho fa afaka miteny hoe isan'izy ireo aho.

Oh, avia, rahalahiko, hitady an'io fitahiana io
 Izay hanadio ny fonao amin'ny ota,
 Hanomboka hampaneno an'ireo lakolosim-
 pifaliana izany
 Ary hihazona ny fanahinao hirehitra;
 Oh, mirehitra izany ankehitriny ao anatin'ny foko
 ao,
 Oh, voninahitra ho an'ny Anarany,
 Ary tena faly aho fa afaka miteny hoe isan'izy ireo
 aho. (Faly ve ianareeo amin'izany?)

Isan'izy ireo, isan'izy ireo,
 Tena faly aho fa afaka miteny hoe isan'izy ireo aho;
 Oh, isan'izy ireo, isan'izy ireo,
 Tena faly aho fa afaka miteny hoe isan'izy ireo aho.

²³² Oh, tsy faly ve ianareeo? Ndao isika hifandray tànana rehefa
 mihira an'izany isika. Inona no lazainareeo? Ndao isika hanao
 an'izany.

Isan'izy ireo, isan'izy ireo,
 Tena faly aho fa afaka miteny hoe isan'izy ireo aho;
 Tena faly koa aho, rahalahy.

Oh, isan'izy ireo, isan'izy ireo,
 Tena faly aho fa afaka miteny hoe isan'izy ireo aho.
 Oh, avia, rahalahiko, hitady an'io fitahiana io
 Izay hihazona . . . fanahinao hirehitra,

Izay hanomboka hampaneno an'ireo lakolosim-pifaliana

Ary hihazona ny fanahinao hirehitra;

Oh, mirehitra izany ankehitriny ato anatin'ny foko,

Oh, voninahitra ho an'Ny . . .

Ndao isika hanangana ny tànantsika.

Faly fa afaka miteny hoe isan'izy ireo aho.

²³³ Ny rehetra miaraka.

Isan'izy ireo, isan'izy ireo,

Tena faly aho fa afaka miteny hoe isan'izy ireo aho;

Isan'izy ireo, isan'izy ireo,

Tena faly aho fa afaka miteny hoe isan'izy ireo aho.

²³⁴ Henoy tsara indray ankehitriny, hitanareo.

Na dia mety—mety tsy nianatra aza ireo olona ireo,

(tsy nivoaka avy tamin'ny kolejy mihitsy izy ireo)

Na mihambo ho malazan'izao tontolo izao,

Dia nandray ny Fitahian'ny Pentekostany izy rehetra,

Vita batisa tamin'ny Anaran'i Jesosy;

Ary milaza izy ireo ankehitriny, tamin'ny lavany sy ny sakany, (ny tery kely sy ny zorony rehetra)

Fa mbola tsy miova ny Heriny,

Tena faly aho fa afaka miteny hoe isan'izy ireo aho.

²³⁵ Oh, hirao izany, ry fiangonana!

. . . izy ireo, isan'izy ireo,

Tena faly aho fa afaka miteny hoe isan'izy ireo aho;

Oh, isan'izy ireo, isan'izy ireo,

Tena faly aho fa afaka miteny ho isan' . . .

²³⁶ Raiso ny mosara kelinareo ankehitriny.

Isan'izy ireo, isan'izy ireo,

Tena faly aho fa afaka miteny hoe isan'izy ireo aho;

Oh, isan'izy ireo, isan'izy ireo,

Ary tena faly aho fa afaka miteny hoe isan'izy ireo aho.

²³⁷ Deraina ny Tompo! Amena! Tahaka ny ankizy fotsiny isika. Tsy misy na inona na inona ara-pomba mikasika antsika. Tsy manana fomba Andriamanitra. Marina ve izany? Eny, tompoko!

Isan'izy ireo aho, isan'izy ireo,

Tena faly aho fa afaka miteny hoe isan'izy ireo aho;

Isan'izy ireo aho, isan'izy ireo,

Oh, tena faly aho fa afaka miteny hoe isan' . . .

²³⁸ Tena sambatra ve ianareo ka afaka miteny an'izany? Atsangano fotsiny ny tànananareo, manaova hoe, “Deraina ny Tompo!” [Hoy ny fiangonana hoe, “Deraina ny

Tompo!”—Mpand.] Deraina ny Tompo! Faly aho fa afaka miteny hoe isan’izy ireo aho! Sambatra aho ny ho izany.

²³⁹ Tompo Andriamanitra, tena sambatra aho. Isan’izy ireo! Isan’izy ireo! Tena faly aho fa afaka miteny hoe isan’izy ireo aho. O Andriamanitra, ampio izahay mba ho izany. Ampio izahay mba hihazona an’ireo Hazavana mamiratra, Tompo, raha mandeha mankany Ziona izahay. Ekeo izany, Ray. Amin’ny Anaran’i Jesosy, no anoloranay ny fiainanay Aminao ho an’ny asa. Amena. Amena.

Oh, mandeha isika ho any Ziona,
O, tsara tarehy, Ziona tsara tarehy;
Mandeha miakatra any Ziona isika,
Ilay tanàna tsara tarehin’Andriamanitra.

Avia, isika izay tia ny Tompo,
Ka aoka ho fantatra ny fifalantsika,
Manakambana ny hira ao amin’ny fifanarahana
mamy,
Manakambana ny hira ao amin’ny fifanarahana
mamy,
Ary mihodidina ny seza fiandranana tahaka
an’izany
Ary... (Oh, mihirà fotsiny ao amin’ny Fanahy!)
...ny seza fiandrianana.

Oh, mandeha isika ho any Ziona,
Ilay tsara tarehy, Ziona tsara tarehy;
Mandeha miakatra any Ziona isika,
Ilay tanàna tsara tarehin’Andriamanitra.

Oh, mandeha isika ho any Ziona,
Tsara tarehy, Ziona tsara tarehy;
Mandeha miakatra any Ziona isika,
Ilay tanàna tsara tarehin’Andriamanitra.

Aoka izy ireo handà tsy hihira
Ireo tsy nahafantatra ny Andriamanitsika mihitsy;
Fa ireo zanak’ilay Mpanjakan’ny lanitra kosa,
Fa ireo zanak’ilay Mpanjakan’ny lanitra kosa,
Aoka izy ireo hiteny ny fifaliany eny ivelany,
Aoka izy ireo hiteny ny fifaliany eny ivelany.

²⁴⁰ Ndao isika hihira an’izany!

Mandeha isika ho any Ziona,
Oh, tsara tarehy, Ziona tsara tarehy;
Mandeha miakatra any Ziona isika,
Ilay tanàna tsara tarehin’Andriamanitra.

²⁴¹ Oh, tsy mikosoka anareo ve izany? Tsy tianareo ve ireny hira tranainy ireny? Izaho—izaho dia aleoko manana azy ireny toy izay ireo rehetra izay azonareo... na ireo karazan-kira hafa izay azonareo ananana. Tsara izy ireto, hira tranainy mampihetsi-po.

Oh, oadray! Mahatsapa ho tena tsara aho ary sambatra rehefa mihira azy ireny, tena tsara! Oadray, tena te-hifaly fotsiny!

Raiso eo aminao ny Anaran'i Jesosy,
Ry zanaky ny alahelo sy ny fahoriania;
Hanome anao fifaliana sy fiononana izany,
Oh, raiso izany, na aiza na aiza alehanao.

Anarana sarobidy (Anarana sarobidy!), O tena
mamy! (O tena mamy!)
Fanantenan'ny tany sy fifalian'ny Lanitra;
Anarana sarobidy, O tena mamy!
Fanantenan'ny tany sy fifalian'ny Lanitra.

²⁴² Raha manondrika ny lohantsika isika ankehitriny:

Amin'ny Anaran'i Jesosy no iondrehana,
Miankohoka eo an-Tongony,
Hosalorantsika Mpanjakan'ny mpanjaka any An-
danitra Izzy,
Rehefa mifarana ny diantsika.
Anarana sarobidy, Oh tena mamy!
Fanantenan'ny tany sy . . .

[Mamarana ny fotoana Rahalahy Neville—Mpand.]



*ANDRIAMANITRA TSY MIANTSO OLONA HO AMIN'NY FITSARANA RAHA
TSY MAMPITANDRINA AZY ALOHA MAG63-0724*

(God Doesn't Call Man To Judgment Without First Warning Him)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alarobia hariva, 24 Jolay, 1963, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org